



九百三

九百四卷



文苑華華卷第九百三十一 神道四十九

官官上

內侍高廷福碑一首 內給事諫議大夫常公碑一首

內侍陳盛忠碑一首 內侍省孫常楷碑一首

內侍省內侍焦希聖碑一首

內侍高君神道碑 張說

孝居動天義堪變地河中見三州之姓炳彼精誠南亭聞再逢  
之母彰茲奇事不有陰德曠代誰鄰內侍高廷福者將軍力士  
之慈父也粵自西雲干呂東明御壁以亡王之族處巷伯之官  
而將軍本系馮亭代家南越未知父母來奉宮闈老而無子曰  
悲幼而失親曰苦調之悲者笙磬異器而同音貌之苦者秦胡  
別狀而共色從此斷金合要投漆相受承順無盡日嚴生乎本

性仁慈匪飾天屬由乎自我父子之名既定姓氏之目遂集作

移大軍之家去鄭而取衛平原侯之室變郭而從甄亦猶是也

既而內侍以鳴漸登朝苒弱集作朱紋將軍以龍樓得主艷耀

金章其訓子也温室之樹無言車中之馬數對其事親也三牲

有養志之樂百行無匪疾之憂至矣哉高氏之子以以思親之

願而展親以欲報之誠而報德神明翕而哀懇荒裔竦而慕義

乃有傍求聖善提挈炎洲二紀積離萬里遙至音容莫識涕對

茫然驗七星於子心認雙環於母臂而後深傷頓感若墜谷而

騰集作天蘊恣都除類愈矇而觀日於是盡歡二媪兼敬三人

均養之恩咸不寢於十起反哺之志齊色難於一堂群公賀於

潭之親天子難馮勤之母此復然矣內侍事主四朝歷官七政

專良恭肅著美論言温集作謙儉讓得名朝列享年六十有四

開元十二年終來庭理明年五月葬于集作長樂原繼子力士

喪鴉慕而加等葬整誠而備物義方之經鬱為稱首孝德之傳

今見其人永惟先恩追綴餘烈若夫慈羈祿之稚童仁也約詩

禮之尊教義也貴不居而要避權禮也生推心而死有託信也

仁為德本義為行先禮為身宅信為義田故仁之報也壽義之

報也樂禮之報也安信之報也順履順居安乘樂享壽此四者

生人之偉事目牛之深致者矣於戲領集作賜冠馳寵勢偃蹇

俗上煜燭君傍者豈不思景行高山慎視前轍如或火選亡禮

顛沛違仁瞻言四報咫尺千里揚芳樹淑其不務乎余固春秋

之徒也懲不濫而勸不僭義重天綱孝宗人紀樂諄諄之誠訓

善哀哀之克子不著倚相之書將受立明之耻九原之集無上

千目集作深覽碑版傷知音有以見古史之心也銘曰

高堂樂未散重壤克已擬寶帳吹靈衣金樽照塵席若長夜之  
易泯怨寸景之難惜列集作義聲與孝心萬古千齡傳此石

內給事諫議大夫常公神道碑

于肅

衡嶽之峻極于天作鎮吳嶺炎海之包括于地委輸百川以崇  
山之靈張溟海之闔孕毓粹氣實生英才厥有常府居則其人  
也自豕常開國積德累業西漢丞相父子繼為醇儒衣冠相襲  
傳慶不絕德其姓者見重於時可謂源深派長本大枝茂者矣  
公諱某京兆人也祖某不仕父楚皇任朝散大夫內給事武德  
使判宮令闈事皆弁世載德繼美承家公幼有奇操形神爽邁  
器宇况正識者異之髫鬣之年參內侍省出入門閣情志專良  
開元十年解褐授內府局丞典御府之藏列內官之秩勤愿情  
密肅恭矜莊洵美可觀碩大且儼事因積著官以課遷尋充市

舶使至于廣府縣賁納貢寶具委積上甚嘉之美宣諭諸道曾  
無寧戚敷敷詔百人皆悅服天寶初拜朝議郎判宮闈今知本  
局事至五年加朝散大夫內謁者見皇唐六葉道泰時康朝野  
歡娛禮物備具公以才藝敏悞頻操職負垂青組之榮綰銀艾  
之寵受宣詔命侍衛軒墀顧盼增輝時望國美尋加朝議大夫  
拜內給事判本宮事眷遇俞深品秩憂異上方垂衣致理端冕  
穆清或侍獵長揚扈遊閑館隨雕輦而稱警接瓊筵而獻壽排  
金祀登玉堂請奏密命承傳天憲公之德形於外可德而言公  
之美賜於中不可得而知也懿夫近臣之職其來尚矣位著天  
象官分周制蓋以萬乘崇嚴九重深邃出納綸旨陪奉宸居宜  
有司存委任親重或尊從輿輦或典司禁署九百千數不可殫  
論若非理誠端詳幹略稱最者則不得揮翰內省分曹局司以

公之才雅有令聞嗚乎蘭蓀方茂秋風敗之以乾元元年七月二十八日終于私第春秋六十有六皇情軫悼僚執零涕悲夫公歷事兩朝效官三紀其奉上也敬其與人也忠其莅職也勤其力身也信雖伯子好善史游納忠方之於公彼有慙色夫人宋氏德行溫原姿容婉淑從夫之貴尋廣平縣軍以至德二年先公而逝乾元二年五月七日合祔於長安縣龍首原禮也嗣子中散大夫守內侍省上柱國賜紫金魚代守宗次子內侍省內侍伯守堅次子內侍省宮教博士守幹皆克紹前修佩服嚴訓永慕蓼莪之痛長懷創鉅之悲揚名顯親頌德褒美昊天罔極孝英大焉敬徽猷書于樂石銘曰  
英英常公山岳粹氣植性敏達存誠忠懿應物之才制鍾之利踐言履信依仁守義五登秩序三掌職司便繁省闈密物軒墀

進退容止周旋羽義五登未展遷壑纏悲鳳城之側龍首之陽墳生宿草魂闕連岡逝川兮茫茫隴樹兮蒼蒼勤銘兮貞石千古多傳芳

內侍陳忠盛神道碑

悲士淹

夫北辰垂象南面居尊紫禁

一作殿

崇嚴彤庭奧密靜言近侍允

屬能賢其誰見稱則有我陳府君矣公諱忠盛自懷泰潁川許昌人也其先出自帝舜至遏父爲周陶正受封于陳子孫因以爲氏粵若尚書原德頌賜聞乎題劔太守高義禮賢爲之下榻代襲賢貞門承軒冕因從官京邑今遂家于長安曾祖

正

議大夫內給事祖守節正議大夫內常侍父文叔銀青光祿大夫內常侍或肅或乂克寬克仁好古而探墳籍懋官而紆青紫公幼懷端慤夙著嘉聞歸

一作肅

躬以筮仕服勤以成業先天歲

解褐補內侍省掖庭局監作尋轉內僕丞內僕今秩滿遷內寺  
伯內謁者監加車散大夫恪居官次夙夜惟寅爰彼丹霄之澤  
載近朱紱之慶曲新樂之絲桐名與功偕勤

亦至矣騁高衢而方遠何景命而不融以天寶十三年五月二  
遘疾薨于輔興里之私第春秋六十有五惟公黃中多可素履  
居貞宅心知訓執事有恪至若怡神以全道體命適時義以極  
物禮以從政故能奉絲言而無失馳驛騎而布光俄拜內給事  
內常侍尋除朝議大夫守內侍秩序斯崇恩華轉茂位益高而  
心益下德逾厲而氣逾和且以幹能允膺任寄前後奉使者十  
有三焉至乃夢三清於太極之府是修功德志五藥於無何之  
卿式瞻神異崇茲直廟獲彼靈符邁侯甸而方仙經歷名山而  
隨與容然後稽少陽之必舉懷令圖而充藏豈惟藝足侍書材

優叅乘巷伯刺讒之什使游忠益之規固可謂無競伊人温恭  
淑慎者已以其年閏十一月九日葬于長安縣承平鄉之原夫  
人上谷縣君成氏四德無虧三從罔徒一作先天十四年正月  
二十九日後君而亡以乾元三年五月七日合葬于舊阡一作  
禮也長子先鶴昭武校尉左衛封浩府折衝次子仙鳳振威校  
尉行右金吾衛左中候仙甫才惟博達職在春官今上御極釋  
褐特賜銀章朱紱拜內謁者監仙賢仙管等太丘父子荀氏第  
兄事國以忠奉先惟孝感寒泉而增暮卜幽宅而罔艱懼遷陵  
谷式揚碑版銘曰 帝舜洪胄胡公令名三恪惟甫八代至  
成本仁祖義國史家聲椒聊之實莫我與京其懿範彌昌宏材  
益振果行育德履信思順執心有恒改過不悛政符省括理必  
遊刃其陟遐自邇休有烈光翻飛省闈翊侍巖廊導宣國命輝

耀銀璫丹誠每謂朱紱斯皇其乘遽周流非徃奚適瑞徵桃塞  
藥獻梁益親廟真容名山靈跡爰典樂正爰稽市籍其昊穹不  
愆殲我惟賢四星猶列一德空傳叅風雲於故里樹松檟於新  
阡載刊乎貞石永賁於幽泉其

內侍省內常侍孫常楷神道碑

于邵

易之擊雲君子之道或出或處其出也為國蓋臣銘動彝鼎其  
處也保家燕居谷神齊物蓋舒卷在我不違其正而已今得之  
於孫常侍歟公姓孫氏諱常楷京兆涇陽人也有魁岸之姿有  
沉毅之略年甫弱冠而筮仕焉委質四朝咸著聲績在玄朝宗  
技乎群粹之中始受賞九層之構兆於此矣在肅宗朝特見  
寵遇其時襄陽易師滑臺命將屬安羯史盜作亂之後兩軍未  
戰王命或壅以公有奉使專對之才俾授節越將我詔旨襄峴

響風河滑朝宗昏公之力在代朝宗僕固皆恩擁眾派上仍以  
姦子作亂外邑北窺大鹵之地南侵蒲坂之封蟻取鴟張關輔  
震駭公以單車之使杖節直進誕敷威德陰携黨與元戎奔潰  
交童折首猶以餘衆肅聚朔陲公乃通和獯戎俾發義師與郭  
汾陽等諸軍犄角姦寇敗績萬國底寧斯又公之勞也前此急  
宣藩維會計大務必能盡瘁以奉投難明明三后稱嘆多矣事  
今上也每侍帷幄且曰未舊嘉謀謹詢入陳出祕扈避狄也著  
奔問之勤從省方也有執爵之効逮法駕還宮特加褒獎斯又  
公之忠也其後晦明生疾屢在長告是能閉朱門啟華屋不屑  
塵事隱几頤神維清淨為師維友愛是篤物我俱喪不知老之  
將至云爾本其族姓則春秋時在衛世卿三國時有吳稱帝晉  
魏而下代生名哲至大父孝廉擢第烈考庭玉古金吾衛中候

贈兗州刺史或高尚不仕或大用靡臻第其揚歷則四進散官  
五遷近職釋褐內侍伯遷文林郎內謁者監賜緋魚袋轉朝議  
郎內給事上柱國特加朝散大夫更名常楷擢受內常侍修功  
德使夫積善之家其後必大故長兄嘉賓黃州別駕贈大理少  
卿仲兄知古故開府儀同三司魏國公公與開府宣力王家首  
冠貂璫腰垂銀艾便繁禁闥炳耀聯華四紀于茲亦云盛矣貞  
元五年七月二十三日卒于廣化里之私第享年六十一明年  
十二月五日葬于涇陽縣高平原先塋之側次亡兄之兆蓋不  
違親而得復葬之制也夫人魏郡邵氏祔焉用公之典也初開  
府當肅宗朝以直諫忤旨配流費州及代宗踐祚公屢建勳代  
密勿之際陳魏友于即日詔追仍復官爵既至矣持上封章請  
割衣食之費於涇陽縣卜爽塏之地建立伽藍上報皇慈覆燾

之恩次展天屬怙恃之功優詔嘉許錫名曰寶應衆善計費維  
億繫公是職君子曰開府創之公能就之豈非國於忠孝於家  
嗚呼吾見夫二公報主之心昭矣顯親之道終矣異時雖或大  
侵人有菜色公常設粥以食餓殍斯不曰仁乎公植性慈惠尤  
深象教靡如董血務馳緇徒斯不曰善乎故歸全之日悅如先  
知乃召群子載授理明尸坐自若奄然而終談者以爲報施明  
徵矣有子良斌朝議郎前行原王府錄事參軍上柱國賜緋魚  
袋克奉前修雅有令問進可事國退可輸家先公而亡矣猶子  
正議大夫行彭王府懿議系朝議大夫內侍省内給事上柱國  
充慶州監軍榮義朝議郎行內典引上柱國僧法航法律等奉  
引進之恩深泣血之感窳窳哀送必處必信以邵嘗備史官見  
託詔述蓋春秋褒善之義敢不承之銘曰



兵諫雖忠不可以訓賦詩對心對一作對亦奚足徇倚我孫公不緇

不磷以道而退以禮而進接實去華履剛能順策名四后克昭忠盡宣諭反側以安觀豐悖叛是踐

迺和檢抗迺復天倫忠焉孝焉家邦必聞移病歸真不嬰無妄道心中接塵機外喪繇是歸真不嬰無妄高平之原于以卜葬後人與歸觀銘是諒

內侍省內侍焦希望神道碑吳通微

春秋以力功於時謂之不朽釋氏以不住於相至采無生善時者勲業存離相者往來一以是居世其至人之維也維夫事上以忠修身以道竭節於盛明之代遺情於寵錄之間通乎大觀於物終始建先修之所為順理之期光昭前間有若左神威軍中護軍焦公兼柱國公名希望字希望舊史稱周武王剋殷紂

封神農之後於焦至武王孫康王生子曰文手中有畫如焦字

之數又以封焉爰初啓土實居俠服臬國入于焦因從平陽遂命為氏其間允文允武或哲或謀伐不乏賢可得而略厥後或

以官族寓籍于京兆府之涇陽公之系緒今縣人也曾祖諱躍

太宗撥亂常從征遼拜絳州鳳庭府果毅都尉祖諱法蒲克踐儒行累遷至朝散大夫絳州司馬皇考諱考憬佩服仁義不交

世祿積德之慶鍾美於公公山疑靈純粹秉志剛實耿芥不群

風標自遠青襟朗察萬象無所隱其情見性圓明象辦不得疑

其正以言則窮其奧得聖人之心以行則用其中合君子之度

年及弱冠選代彤闈貞松之姿既呈於徑寸曾臺之峻亦姿於

覆篲守內府局同正丞一陝府元自授承務即敬恭朝夕恪守

官次忠信以奉上之道禮義以周身之防莊而能和敏而有勇

故可以恭武可以左文方圖通器無入而不自德今皇帝之在  
春宮敏加信任洎正宸極爰獎貞純於是朱紘斯皇銀章有耀  
公夙荷榮渥茂茲寵光便繁左右密勿軒陞事若不二志守  
職惟一心口無擇言身無悔行見義能勇盡力忘勞其衛主也  
有匪躬之節鑿與旣復上懿其誠除給事同正賜金印紫綬益  
見親重乃命監射生軍事貞元五年詔以射生軍爲神威軍加  
內侍常同正兼謁者監賜上柱國餘如故公訓整戎務練達武  
經舉傑雋懋勳貫瞻財用協師徒我軍旣堅我馬斯服至若郊  
廟之事文威之儀材官毅騎林植鱗次若離若合者固足以耀  
皇威而振國容矣十二年制加中護軍累遷內侍省內侍同正  
兼內常侍公授委俞重執心逾恭守直無隱盡中在公理軍如  
家正身率下上所甚信咸感悅之爰廣舊軍肇建新于叶此衆

志允成厥列布之以署爰峻壁周講藝有館公食有堂旣庶旣  
繁多樂且康爲輪爲輿兮耀華章迴六龍之日馭駢萬乘之天  
光以永代垂則威宣四方者也至乃公離諸見性符道源以明  
誠弘大覺之因以清淨修有爲之事動靜無闕喧寂以如不牽  
外緣不滯禪相以之則貞固幹時仁者悅其仁義者服其義聳  
事上則忠信行己以莅職謂無上法寶諸佛之心自達磨東來  
實爲教祖公了見真性玄契度門乃於軍中建立積舍上以奉  
國下以利人皇上御大明以燭幽發惠日以垂照廣以乘之妙  
旨輔萬物之自然及公上奏乃賜額曰貞元達磨傳法之院表  
正之也每從容而嘆曰惟無生戒物有始終本乎天者爲昭明  
親乎地者爲威順是以遺生死外形骸感冬夜之詩歸于其室  
備歲時之制允叶前經信所謂知命不憂達生怍情者矣達乃

先脩塔於涇陽之縣東南焦劉度之西公之故夫人李氏浮圖  
城中龜謀協從鷹疑作影連屬支提鬱起相法恒存吾將老焉

可以無累經言諸象常寂公之志歟嗣子朝榮等克稟趨庭之  
訓無虧立身之道以是有後人咸曰休哉惟公之內誠既率乎  
天至公之玄達載光乎法器宜乎承眷暎協師貞既嘉績茂休  
聲保黃中之元吉暢塵外之高情既得殿立之地先開張禹之  
瑩人之報兮壽木極櫝可材兮躬所植表全美於貞珉俾後生  
而作則銘曰

萬物芸芸孰見其貞修心踐言寔惟哲人猗歟護軍與道為隣  
率性居正資忠事君澄心止水勵節貞筠行有枝葉道無緇磷  
其動以直克廣厥動及新營于載肅鈞陳衆服其誠止嘉其勤  
朝章允集眷暎逾殷處貴尚謙秉志惟純清虛應物括曠怡神  
法本無生有非吾身靜觀其復視喪猶塵委順于河涇川之津  
鴈塔先啓區中了人爰植爰修以躬以親洪流不竭法壽長春  
表石垂芳千年日新

文苑英華卷第九百三十一

登仕郎胡 柯 鄉貢進士彭 叔夏校正

文苑英華卷第九百三十一  
...

...

文苑英華卷第九百三十二

官官下

內侍彭獻忠碑一首

內侍仇士良碑一首

內侍護軍中尉彭獻忠神道碑 張忠素

弘壁之在御府也韞連城之價所以為寶景雲之見慶霄也麗

捧日之彩所以為瑞大臣之居重列也處近君之任所以為貴

况復侍軒墀之密地護禁衛之椎軍昭彰茂公回復芥社終始

一德永垂清名者哉侯誰能之見於彭公矣公諱獻忠字琦大

彭為商諸侯以國表姓至漢大司馬宣有遠績盛烈書于班史

至孫業避漢末之亂寓居隴西襄武縣因地分望傳諸歷代隍

中隴上推為右族派緒綿遠冠蓋蟬聯貴仕漸繁乃祔咸鎬今

為京兆三原人也烈考諱今俊皇朝議即行內侍省內謁者監  
保安福履弘義訓鍾慶濟美傳於蓋臣公善下寬中蹈方守直  
竹箭有筠而可比城府無迹而自深以處肅公懿承大君以仁  
孝清儉績前列建中三年八代宮殿德宗皇帝嘉其敏厚器任  
異等便蕃於帷扆之內承奉於顧指之間言必有章動皆由禮  
貞元三年授內府局丞四年授奚官局令六年授內謁者監七  
年授朝散大夫清階命服所以馭貴白珪無玷赤紱斯皇自天  
之渥澤方深漸六之羽儀始就十一年授朝請大夫周旋密勿  
獻納端亮孔光問樹而不對石慶數馬而後言以公方之今古  
何遠十六年特加金紫所以懋其勤而昭其美也二十年加正  
議大夫內侍省內侍仍賜上柱國充教坊使位逾高而接物逾  
敬恩益厚而處躬益卑故能行與福隨動將吉會當德崇僊馭

上井順宗宅憂諒闇公以真固服勞之節宣承衛翊戴之忠嘉  
績悃誠可書竹帛皇上御極拱侍穆清疇其功痛疏以爵土元  
和元年封襄武縣開國男食邑三百戶充飛龍使二年加忠武  
將軍右武衛將軍三年授左神策軍副使加雲麾將軍馭衆之  
才著于倅一作理賜祭戟戶躍其高門所以旌其勲表其貴也  
其年奉詔充淄清道宣尉使六年遷知內侍省事允弓箭庫使  
六年充惠昭太子監護使祇事既畢加冠軍大軍至五月遷左  
領軍街大將軍知內侍省事充左神策軍護軍中郎將兼左衛  
功德使十二年春以勤瘁遘疾上章請生哀賸屬賴令臥護陳  
讓懇切累至再三動于天心方始得謝二月乙巳薨於翊善里  
之私第享年五十二聖皇軫悼輟膳興歎追念勲舊賻祿加等  
贈開府儀同三司左武衛上將軍所以錄其勞而飾其終也官

司職喪僚吏襄事卜窆窀圖其永安以十月十四日葬于萬年縣鳳樓原祔從先域之松楸禮也惟公爰自弱暨于知命奉職三朝殫竭一心掌繁領重樹勲宣力操濯仁義發揮心靈斯所謂奉上之心閨門就養承順著聞乃丁艱踈勺飲不進毀脊過禮宗族感復斯所謂因心之孝踐歷禁省榮耀貂璫冠軍護戎在帝左右飲水持操鑿水潔身侈怵是懲燠灼自息冥與道契儉而全真生不務於家為歿仍規其薄葬斯謂所立志之本探頤精微講貫學藝周敦強之能有而不持孫武周竒之術知而罕論斯所謂遊藝之方綜事呈才仰奉眷旨允釐樂府韶夏是司演懈谷之正聲絕齊竿之濫吹靡署增煥絲桐載和去而借留上叶宸聽既臨馬政一日必修用奚官訓一作駟之法整穆王八駿之阜及董武庫程範度上弦未砥金罔不犀利斯所

謂泣官之敬嘗馳星輅撫慰兗鄆海岱之域風宣露濡戎臣列校蹈舞感抃斯所謂銜命之功萬旅雲屯屹為親衛加拜中尉統茲六年夜護繚垣曉趣丹陛陰助神武制外自中漿善任材動必詢衆廣修廩庾瞻食熊羆符五有倫禮樂是閱咸使夫既勇且毅並務於移孝為忠至於別部支兵邊陲縣內附循訓整不犯秋毫聞公之歿如喪親戚斯所謂護軍之略宜其享之遐福錫以永年蒼蒼難謀不至者壽夫人長樂郡君馮氏端懿秉明慈和婉孌一作嫵母儀歸德淑慎是彰自晝哭之罹凶乃冥心而習靜落髮壞服從衰即空元和十二年三月十五日出家受戒特勅正度仍錫法明正智賜居義陽寺所以遂弘誓而資幽福也嗣子希倩次子給事即行內侍省奚官局丞負外置同正負希昭次子正議大夫行內侍省負外置同正員上柱國賜

紫金魚袋希貞次子正議大夫內侍省內侍負外置同正負上  
柱國賜金袋魚希晟次子希冕次子希慶芝蘭蒲庭組綏相映  
荼蓼茹歲纒麻巖然哭泣之哀慕深先遠蒸夷之紀思烈舊勳  
藥藥貴臣匍匐上請詞臣奉昭傳信揚芳悼叙德善永垂琬琰  
銘曰帝在法宮下臨八荒外倚輔弼內憑忠良變彭公蘊義含  
章左右軒陞言端行方夙夜孔勤貔貅是職丹青侍從黃道引  
翼深承寵渥克茂勳力寒玉伴清朱絲表直厚德多恕明誠不  
回尖雲利器構厦長材比落謝疾東榮報哀思加法賻官贈儀  
台祖載之清辰川曉涉淒鏘笳挽搖曳旌翼新阡舊域龜從筮  
協原即鳳棲封如馬鬣紹績之馨子貴家榮繼孝嗣恪宣功保  
名纂篆金石琢磨堅貞用播徽烈將來作程

內侍省監楚國公仇士良神道碑

鄭薰

運鉅壑者必資枹楫之便以鼓其波濤等廣厦者心堅柱石之  
材以完其結構揀一作是故明王聖帝立國保家莫不求竭力宣  
忠之臣配枹楫柱石之用懋崇基業弘齊難艱百代規通千載  
相遇孰稱全德其故開府儀同三司內侍監致仕楚國仇公乎  
公諱仕良匡美海豐興寧人也宋大夫牧以忠烈正真書於春  
秋公實其裔焉其後香以文雅仕於東漢儒以議論貴乎比燕  
蟬聯珪冕輝映簡冊代著奇節率多今人史論家譜一二詳焉  
顯疑公之曾祖考皇朝議大夫內給事賜緋魚袋諱上客府君  
忠昭事任績茂聲猷躬行正途克嗣先業烈祖皇朝議大夫內  
常侍賜紫金魚袋諱奉詮府君名以才彰功由道著王氏教讓  
羲之已行于公高門定國方大皇考諱文晟府君精特貞廉高  
挹塵俗位以命居慶因善餘厥惟楚公克振勳德追贈特進左

監門衛將軍賜紫金魚袋神公之誠孝也公年未弱冠入仕東  
朝是時憲宗皇帝主器誠華體元儲兩親奉再飯共歡九齡助  
登火海之瀾更闡前星之耀永貞十年授掖庭局宮教博士賜  
緋魚袋元和初一舊恩本固新渥彌降既頒侍從之勤首舉寵  
遷之命加宣徽供奉官賜紫金魚袋檢身極敬奉輦施勞勵自  
牧於撝謙表無私於應對閏六月轉朝散大夫內侍省內給事  
宣徽供奉官如故材彰於省局周旋美於禁闈驟議甄升更加  
命秩冬十月拜內常侍餘如固未周星紀三歷顯途既洽詎諶  
且明恩澤彼虞卿再見為趙上卿荀爽九旬登漢三事允膺時  
議彼或多慙三年以本官充內外五坊使尋或疑遷宣徽供奉  
官發彼五犯輔騶虞之仁化境此大兕詠吉日於春蒐外撫一作  
之暴橫自消中緩野一作之井閭知感十年加大中大夫內侍省

內常侍尋以本官充平盧軍監軍使全齊舊壤繼代邀恩甲兵  
甚完貢賦不入公聞其叛換諭以忠貞爰革非心幾至効順明  
年詔徵又以內侍依前宣徽供奉官吳寇據淮天兵在野逗逼  
不進沮敗為憂棟末使臣往諭中旨遂命公以本官及職充淮  
西行營宣慰使至則大布皇澤益勵軍威四遠瞻風萬夫振氣  
而又盡得機要既還奏聞竟至誠功斯為顯効十五年遷雲麾  
將軍又監門衛將軍充內外五坊使仍賜上柱國又進封南安  
縣開國男食邑三百戶驅獸而無害五穀充庖而有事三田蕙  
圃蘭塘落飛駐走助門二面之網勤使一日之羅鄙長揚之大  
誇故人笑上林之務矜楚使條今既肅巡遊盡歡其冬復加冠  
軍大將軍長慶初罷五坊史以本縣進封開國子尋進侯爵食  
邑一千戶宣徽供奉官皆如胡二年除鳳翔監軍使又進封開



國公食邑一千五百戶魯父舊彊繆公遺郿邑則武安留宅扶

鳳則馬謖擢名雜於叛屋之郊號為難治之俗公攬轡即路下

車撫戎三軍晨成百姓懷惠寶曆二年徵北復為宣徽供奉

官以本爵進封郡公食邑二千戶尋除鄆岳監軍使傍連荆楚

南接湖湘閭閻皆士著之安貨具有山積之富兵不監利人皆

情將公深贊訓齊同為勗知方勇自我而能鼓疑大和元年

入為徽宣供奉官轉內坊典內侍省秩清事簡優逸自娛莫展

長才鬱于羣輪俄拜右神策軍副使公於是端肅以二戎政廉

讓以播軍聲并衛益嚴暴悍知禁二年擢為右領軍衛將軍內

外五坊使講事一時農不易墮徒百隊人不告勞鮮扁而布青

林行事而無遺十一無此貍獲古法蒐獮親規指顧之間

莫非盡善六年真拜內侍知省事餘如故明年轉大盈庫領染

坊依前知省事恩澤浹於寰瀛寵賜周於藩服綺羅萬段綿繡

千筐每極珍華曾無濫惡又玄黃朱紫染絲文章靡不精鮮悉

中程度以賞能陟於飛龍使本官並仍舊街閑二六天驥三千

異骨峯生深溝血溢親習盡馳驅之妙群分多馭駿之奇易秩

尤積藁枯常美九年五月拜左神策軍中尉兼左街功德使將

軍知省事如故練達戎機摠親護禁典理瓜牙之衛左右心膂

之師寬不喪威簡不曠務氣勵熊羆之勇手持龍豹之韜思由

忠深仕以誠感張孺駮乘孝宣乃安趙憲宿衛顯宗加厚轉

左驍衛將軍餘如故既而鄭注挺妖李訓附會列奏為瑞固邀

鑾輿圖害腹心漸逞姦毒公先機立斷禁旅遽齊坐過堯渠保

護帝輦指名魁首俄頃追擒其踪競進進取之徒技連葉著之

黨或志諧狂計罔自正身或跡比頑童居然就禍莫不盡苞恢

網同抵國章由是宗社乂寧中外協睦非夫忠謀天假廣業神  
通其孰能如此乎祔及廟堂議功公在第一優詔特進本衛上  
將軍中尉知省事如故位輕於德賞不配勲難許冲謙中昇峻  
級尋遷驃騎大將軍開成五年加開府儀同三司左衛上將軍  
封楚國公食邑三千戶食實封三百戶頒恩常列非私受也會  
昌元年又加食實封二百戶尋擢爲觀軍容使兼統左右三軍  
獎舊常儀招異渥也公每念禍伏福中緣爲身累將持盈滿莫  
過退休三年夏以寒暑內侵針鑿罕効因求散秩用遂素懷乃  
除內侍監將軍知省事如故尋又連表陳讓固辭恩榮優詔以  
本官致仕其年六月二十三日薨于廣化里之私第享年六十  
有三嗚呼身隨運往名寄勲留一代推雄九原表傑天子悼之  
罷朝兩日賜揚州大都督公弱冠以辨智取位強仕以幹盡居

官及莅大政以機略致勲榮臻于貴壽以恬退保終始事在簡  
冊爵極天人出入七朝顯揚三紀秩以功藝進道由忠直章繫  
鞠廣場則馳先百馬彎弧迴野則飛落雙雕故得侍娛遊則三  
領五坊城顧問則八加供奉元和中靈從史倚上黨兵勁陰結  
叛臣憲宗皇帝命護軍中尉吐突公統戎專征密物宸筭誘至  
幕下縛送闕庭是時公適在軍助成丕績其或揚鍾宣命電掃  
雷驚每播深恩親當橫陣兩河平殄頻預其功雖不一作是非自矜  
實傳衆口而多才多藝強記博聞舉策畫若應神明閱簿書無  
逃心目而又精鑿冠絕當時門館賓僉薦延功行必求明德用  
輔聖朝則有秉忠正之心荷匡之任才表王佐出爲國損康濟  
群生輝華四海者矣然後智衛將軍七繫匈奴封侯九國崔驃  
騎六征絕塞列將八人特美高勲豈膺賢弼以今方古我德優



奮臂甲士趨風克殲巨孽乃建殊庸其五坊三居公畋有節宜  
徽八入密議攸竭再監戎閫將校感悅一牧郊坰驛驩絕六其  
佐佑帝室手提禁師士伍胥附皇心勿疑持蒲先誠居高不危  
縣車告謝彭薛肩隨其七駭起載騰哀纏逝水空留洪烈永載青  
史精爽何之壯猷已矣京兆開阡壽堂在此其八仕承泰運歿偶  
昌期徽音不泯令嗣銜悲聖念旣勤爰斲豐碑事功難究有覲  
色絲其九川富不移松楸已列玄室雖閉清風靡歇作皇代之英  
臣期終吉多無絕其十

文苑英華卷第九百三十二

登仕郎胡柯 鄉貢進彭 叔夏 校正

文苑英華卷第九百三十三

碑九十 神道五十一

婦人上

高安長公主碑一首

涼國長公主碑一首

章懷太子良娣張氏碑一首

鄔國長公主碑一首

延州豆盧使君萬泉縣主薛氏碑一首

高安長公主神道碑一首

蘇頌

維開元二年龍集攝提格夏五月哉生明高安長公主薨於長  
安永平里第享年六十有六嗚呼哀哉景申上發哀於暉政門  
設次舉聲輟朝加等遣大鴻臚彭城侯劉智柔持節賡書赴弔  
京兆尹攝大鴻臚鄧國公張暉司農少卿李琇有司帥屬護喪  
文武五品已上會哭書不云敦族至于九以昭于百姓禮不云

叙親居其一以統於萬人此所謂追有虞而化天下感配陳而  
慟宸極復以爲素族誅行彤管區風司常罕留執史多紊乃制  
銀青光祿大夫行紫微侍郎兼知制誥上柱國許國公蘇頲爲  
銘刻石臣頲不敏矚言拜命云長公主諱某字某隴西狄道人  
高祖堯皇帝之孫太宗文武聖皇帝之孫高宗太皇大帝之弟  
二女中宗孝和皇帝之姑疑作也太上皇之妹開元神武皇帝  
之姑也昔軒后修德高陽任而豫之虞臣邁德伯陽冲而用之  
故先王會昌而王者興前聖受命而聖人作自風偃三代刑清  
百年揚耿光於祖宗紹期運於神武上以比崇於黃軒至其道  
次以宗極於玄老施其教慶漸綿皓恩周行菁重熙而累盛皇  
哉而唐哉公主承竦月之華分女星之曜閑和羨度婉婉令德  
有循其禮無擇於言鑿圖取則聞詩服義故可以賦絲緡而開

湯沐者也於是曳紅綬錫青圭香滿玉鑪絲搖金縷允所謂帝  
乙歸妹以杜元吉魯侯主婚是稱同姓始封宣城公主下嫁乎  
王氏附馬都尉故潁州刺史贈右監門將軍太原王府君諱昂  
字遂古左監門將軍平舒公之孫歙州司馬之子自周儲洛濱  
之契奉將潁陽之業門昌帝緒家累天姻微平叔之才貌得孟  
孫之闕閱亦旣覲上展也令儀成其肅雍率由俊彩至於與漱  
櫛縱笄總衣紳箴管刀礪線續繁褻若此者敬而持之動必於  
是則其餘可重也天授中聖后從權革命駙馬非罪嬰酷公主  
復歸于後庭凡九十甲子口不入辛味耳不聆曼音體逾尚柔  
言靡敵怨運觀心之智察摩頂之神豈寂以幽通將虛而信受  
有菩薩現前者數四居每奇之中宗禹物不改漢儀初復乃命  
宗正卿李珍冊拜宣城長公主食實封一千戶并置府寮比侯

王之封齊令丞之秩大皇御極又增五百戶改封高安且重  
永康之用允符長廣之祥今上握圖又通前加至二千戶尚於  
親也公主頃歲嘗奉覲高畫像雖光靈在天而見似目瞿感咽  
于地遂成心疾至使名醫萃止御藥相望孝焉而終仁則何輔  
嗚呼哉富貴乃驕奢之資不期而至吉凶乃盛衰之象不召而  
成况泰志約吝生動寵怙權邪醜正知得而不知喪知存而不  
知亡嘗歷觀之熟矣由是黃金象牙明珠尋羽之飾積於外雕  
文刻縷衣紉履絲之巧充於內然後堅車良馬獎酒麇肉笙等  
學歌舞於其間者殊不知以相強而結禍回自恣而招危魯元  
所以好過度竇太所以綜踰礼鄂邑所以懟抵罪湖陽所以匿  
犯法館陶所以永不獲昭平所以免河上二字埽開却阜胤子  
孰聞田在漢京權臣所吁奪可長歎息者矣我長公主則不然

避榮字靜退藏於密端操正色進寡其亂為皇女馬為皇姊馬  
為皇姑馬非不貴也能戒盈忌滿智崇禮卑儉德之恭謙德之  
益主無攸遂不專也勤無告勞不匱也宜於秋犢以助宗人率  
彼春蠶以從王后則未嘗忍諸猶深悟色空大依禪惠觀我生  
之進退究人事之終始蓋泡夢之為喻也乃散以檀那離於染  
着景雲歲請罷賦邑蠲屬官遂沉冥從省曠書上而制違之鳴  
呼身沒意餘道之微者古有女儀嬪則焉或孟母之勸學敬姜  
之知禮仲妻之辭相惠婦之光夫然出於素族書之緹史未有  
居高益下託體至尊如長主之儔矣故能九師讓能三子聞教  
自我之出與時偕行知微知彰不諂不黷長曰攝銀青光祿大  
夫太僕少卿仲曰暉朝請大夫衛尉少卿季曰棟尚舍奉御並  
欲報罔極藥貌棘心哀以送之龜從筮右粵其年八月朔十七

日葬于咸陽之北京禮也落月過半秋陽浸微清笳疑兮朔風  
斷丹旄列兮愁雲飛望槐里而西馳去菽園而北顧視牽牛兮  
像設過飲龍兮徑度闈闔窳窳遠羸文之樓臺松柏陰煙近漢  
皇之陵暮其詞曰  
赫上帝臨宇巨唐卜年萬倍証睿興玉何彼穠矣休有其光亦  
既從夫車服不繫亦云主婦蘋蘩以祭在責能約終温且惠樂  
只君子曾不求年未亡之人歸於九天心以理遣身以義全光  
于累聖受于明命伯妹延暉皇姑襲慶鑒以損益辭其滿盛我  
有宗子釋門不生不滅茲道存存允之降靈西反其魂詠清淺  
兮天之際憶瀟湘兮日已逝登寒山兮見超忽生秋草兮坐蕪  
沒金爲字兮琬爲碑永貞芳兮實在斬

涼國長公主神道碑

前人

乾坤既分彖象攸配變則成女終於歸妹惟長公主諱某字某  
我興家邦天錫宗杜昌運乃五聖真享鴻名聖期至六神武膺  
駿命細緼構極俾彼雲漢的瀝垂春草如桃李順顏承志約禮  
知節得繭館從蠶之儀採公宮習史之藝載疇湯沐爰賦井田  
其創也與多於仙源其徒也稱長於涼國故丞相虞公太原温  
彥博曾孫曦台揆門闕風流儒雅儉諧是國歷選伊尚君子至  
止碩人其頌協時之吉俗典之實雜珮明璫聚衣錦裳熒煌煌  
有芳居迴映以紅倚動群超而卒翔媛成肅雍侯守祿位貴則  
能降降而不驕勞而在勤勤則不匱未嘗有也皇嘉之而謂曰  
台知以樂變乎風揮五絃之盡美觀百物之從令歆同聽乃親  
故特一作持傳汝公主清揚神潔妙指心閑猶白雪之詞冥通則  
應類清谿之曲多領悟皆賞初榮賜以得後誠盈而散恩過魯

元王豈上邑寵逾竇太常疑豈臨山每絕館陶之析自無昭平  
之贖粹温而敏靜好而詳以比者之愁若何西方之聖如是太  
修圓果深入至空竟而瑤草淪霜柱枝辭月開元十二載八月  
辛巳遇疾薨于京 永嘉里第享年三十八嗚呼哀哉上撤懸  
父悼臨次增涕京尹護喪群司藏事其年仲冬壬午陪葬于橋  
陵生資敬愛歿効充奉蕭史樓中鳳音何望軒轅臺下龍德仍  
攀子西華等扶杖而立茹荼以泣赴實憫默觀者慘容翰林酸  
嘶又昭乎遺風雖著練簡垂厥後代諒憑刊刻豐碑昭立眷札  
親紆捧戴則奔馳四靈光華則迴薄七曜明山可轉况連於銑  
蓋玄圃惟積重錯於琅玕俾銅縷之湮沉由寶書而飛動禮臣  
不佞敢作銘曰

天其有章銀漢玉潢我則有祥宵明燭光柔抵不忒芳問允塞  
何被穠矣其儀是則鳳凰于飛公子回歸琴瑟在街德音莫違  
何沈寥之素秋兮獨杳杳之玄夜何闇忽之誰忍兮痛明靈之  
不借清霜晶月楚挽將發流吹結雲秦聲不聞惟聖皇兮固全  
石噫長主兮森松栢榮以悼之兮長不斲

章懷太子良娣張氏神道碑

前人

維蘭有香維玉有璋可吉其夢可勞一作榮其弄故稟禹武女祥  
歸太子之家自震為男業盛天人之邸因以貴者德其全歟我  
唐章懷太子有良娣曰南陽張氏之子也邵王守禮之母也初  
章懷封于雍良娣選以入後章懷謫于巴良娣隨而邁邵王錫  
玄社建黃扉良娣坐華茵驅香轂雖逶迤失於偕老而契闊存  
乎與成始十四奉吾夫建笄年轉茂冬六十四適吾子當卦數  
而同極非婉婉淑慎之則含章尚柔之令執臻於此矣若乃畫



堂清兮羅幕薰匱照曜兮結氛氲果果之日英英之雲蓋良娣  
之才之美是效是則絜素周指於篋熹彤益昭於管嬀顏不競  
徽範自特處獨藹如顧儔芬若施于積善觀從梁四馬之蕃貽  
厥累仁傳相漢七紹之緒隨上儀同甘泉府別將嚴之曾孫侍  
御史睦州刺史詳一作之孫朝儀卽行柱州都督府始安縣令  
明之女也曾構鬱起昌瀾遠激去遷南國儼西鄂之豐碑來應  
東朝署西京之戚里不然何謂釐爾女士從以孫子

袂

之良乎乃母儀可宗臣軌伊勵師以儉約戒於盈蕩洛濱無袂  
除之事涇上無壑羨之物衣錦聚裳寧吾所好擊鍾罪食唯爾  
之競俾無王忠肅恭懿旣明且哲志於道者本於教也粵景龍  
二載孟夏之月遘疾棄養於京延康弟之寢洎景雲光華春雨  
自葉睦於我則先受九族慈於王則每深十起永其錫類象悅

以人禮物朝遣使臣迂命金紫光祿大夫行鴻臚卿趙承恩銀  
青光祿大夫尚書左丞元暕持節冊贈曰章懷皇太子良娣祔  
于陵邑禮也嗚呼山疑鶴駕地即烏號太子賓帝之餘高宗在  
天之所衣冠道德密近屬於陪乘光表關瑩殊遠嫌於好內又  
典地司空邠王守禮幼承法度長被暉光九仞之堂咸疑魯氏  
而逾蹙萬家之域小韓王之不綱所以傍彫翠琰伏奏丹墀天  
子孝理之風已周於品物孝思之德况及於兄弟乃勅禮部尚  
書蘇頲採絢爲言由是稽舊聞討前訓位不之易祿不之重而  
莫顧者鄭勝疑之足稱也信不負之心義不虛事而竟死者越  
嬪之可徵也或彰君之隱過或徇己之微直曷如有始有卒知  
柔知剛艱虞則持操服勤富貴則竭誠循禮夫詮一行者尚紀  
圖書懼疑三從者豈遺刊刻其銘曰

天祚有唐於昭烈光兮土分五色作我蕃國兮雷震百里惟皇  
元子元子伊何匪淑不娣厥娣伊何終溫且惠桂宮甲觀之聲  
迹竹苑平臺之性昔車已折兮我未召疑罪其新兮子為王子  
既王兮我為太陰聖造兮沐嘉會歲不與兮時迅奔華穰壞兮  
託寢園圍闈祀上京松柏被祀長原子哀哀兮篆碑於是親  
永永兮歿代如存

鄔國長公主神道碑

張說

臣聞堯有娥英承九族之敦叙舜有宵燭動百里之光曜大聖  
之後天必縱之積善之家神所慶矣豈唯上帝之女雲漢為靈  
平王之孫肅雍其德連華前志代有其人皇唐鄔國長公主者  
睿宗之弟七女也母曰崔貴集作妃構累聖而成門合濟美而  
為室蓋乾坤之純粹演日月之清明神媛誕靈常言所絕免懷

之歲天奪聖善不食三日哀比成人文母流胎教之慈曾子得

生知之孝由是宮闈延矚邦國遠聞及乎玉笋耀首油駢疑作

在馭錫之美地邑以荆山求之令族嬪于薛氏爾其居玩圖史

勲循集作法度服其浣濯恭儉之教興鼓其琴瑟禮集作讓之

風被其行已也安親惠下之謂仁敬宗好合謂之義降貴接卑

謂之禮恕情周物之謂智推心而行罔不該備其禮家也視膳

饗餼之均和主饋醴醕之品齊絲竹七音之徽靡纂組九華之

縵麗經目所涉罔不精研集作莫每至三元上賀五日中參進

對詳華折旋舒婉故以式瞻貴里儀範通門如千花之泛惠風

百奔之涵膏露窈窕之儀克舉繁衍之福大來有男子四女子

五瑤碧生階芝蘭蒲室也習禮明詩日漸閨庭集作庭之訓銀章

艾綬地連恩澤之侯自光朝徹辰之辰迄公主成笄之日外除

過制內疚

集作疾

餘哀手寫金字梵經三部躬繡綵線佛像二鋪

其葉真偈現心相於銀鈎蓮花妙容呈意生於玉指孝思惟則

道遠乎哉開元繼明恩由已進封鄖國長公主食邑一千四百

戶田賦廣而彌儉禮秩尊而益恭其後君子晨歌夫夫盡哀

集作

哭未亡為稱生意盡矣撫視遺孤將守栢舟之誓祈志剝落永

從柰苑之遊朝制斷恩改降鄭氏陵谷可易

集作移

隨和之德不

昧寒暑有遷松竹

集作筠

之性如一均養七子麻廡二宗汾陽之

室忘亡滎陽之黨相慶既而善福虛應寢疾彌留盡國醫之伎

遠方畢至供御府之藥中使相望命之必至不可支也堂邑山

林忽焉瘁色平陽歌舞適足愁人開元十三年二月庚午薨于

河南縣之修業里春秋三十有七震悼紫庭哀復朱邸傾家

集作

舉國同悲有詔光祿卿孟溫禮監護喪葬京兆

集作火

非月能

延休副焉窀穸之禮一如涼國長公主故事夏四月恩旨陪葬

于橋陵不祔不從古之道也皇上念同氣之致美感閱川之永

謝恨棗華之半缺悲瑤草之先化乃命國史昭銘懿迹降恩禮

於雲露寫哀詞於金石水非湘渚還起帝子之祠山是洽陽即

封天妹之塚銘曰

帝系白雲仙源紫氣漲家成國承天作貴赫赫聖祖曰文曰武

皇皇睿宗一變萬邦挺生淑媛慈和孝恭清曠如神娥眉無雙

耶弟立官湯沐建封年

集作爰

及笄總禮於環珮鳴鳳獻祥乘龍

擇對帝唐降女天乙歸妹珠玉過庭蘋蘩正內蛟門早聞龍湖

忽上無地何載無天何仰金殿書經筆絲繡像欲報之德昊天

罔極孰是言歸良人永遠銀鑪烟斷羅幕霜飛鵝頰毀形託身

壤衣不諒人只改嬪他士稟命曰從從夫

集作人

曰順息媯繩楚

懷羸霸晉反經合權與道同韻煥休三室均歡等潤四海謚清  
九族和平萬物向榮衆雜未成心戀盛明形隨落英祖載鼎城  
歸窆集作咸京挽歌駁聲鹵簿凶行哀哀聖情惻惻同生橋山  
片石千秋令名

昭容上官氏碑銘

齊公叙不錄

天降時雨山川出雲乃生靈媛祚我聖君精微其道煥炳其文  
三光錯行昭容網紀百撥繁會昭容條理外圖邦政內念天子  
憂在進賢思皇集作多士忠孝必集作感天焉報之吉凶有數  
立焉儔之如彼九日昇焉報之如彼三良秦焉悼之漢宮選材  
班氏其持楚史書霸樊妹之力或穆齊公叙明其德嗟爾彤管  
是鑒是則

延州豆盧使君萬泉縣主薛氏神道碑

前人

或稱達性命者齊死生之域達憂悵者一修短之數斯蓋無心

之論耳焉足與議於情哉何則雲虹滅彩集作辭人於是詠謠

華秀從風君子爲之歎息豈不以對仙麗之景懷變化而遺戀

在昭荼集作之節悼零落而偏憤吾見豆盧氏之子於其伉儷

有焉縣主諱字姓薛氏河東汾陽人大父駙馬都尉奉宸將軍

諱謹集作尚城陽公主考駙馬都尉散騎常侍諱紹尚鎮國太

平公主其在昔也夏有車正先封周有薛侯爭其其在今也吾

宗姻於帝室集作重葉母於王姬河水經天上積星辰之氣霍

山鎮地下多珠玉之林縣主幼而敏惠長而洵淑貞義孝烈之

傳吉凶賓祭之儀聞一成誦絃絃紆紉之製渚笔醞羞之品一見

縣解至乃鶴迴泛蠶聚崩雲月韻玖集作砧花穠絲樹婦人能

事咸臻妙焉大聖天后鍊石補天有王母之神噐分茅列地啓

弄孫之美邑封由集作有禮義引而新天授三年四月內封萬

泉縣主天愛下流日新集作上簡乘龍之舉和鳳為難絡八紘

以選門奄千官而求俊夫以龍圖帝寶祈步搖之華源虎戟侯

門襲燕京集作之雄冒人之信美帝用嘉焉以萬歲登封元年

仲春既望歸于豆盧氏六宮送行百寮供事迺以鑾輅遣以程

車環珮冕旒璆然在馭黼藻朱黛爛其盈門詔昏之禮於斯為

盛爾乃移其愛敬以事舅姑伸其交恭以諧公妹舉宗洽比如

鼓琴瑟每至婚姻會同少長咸集珩璜節步金翠耀首有婉嫵

之心無驕矜之色睇眄者若遲日之泛連猗瞻詞氣者猶光

風之轉蘊薄集作加以引納懷和饋分周賑踈屬自附窮歸志

寤故蘭行彰信於閨門而蕙風滿盈於邦國諒惟琬琰之性自

美抑亦劬勞之訓致焉中宗教和皇帝雲迴南土龍見東京二

儀更闢九族還叙望我兄兮公主贊陶鈞之力曰吾甥也縣主

開井邑之賦神龍元年春加實封三百戶縣主既通籍門闈

奉御又尚司殿省天子巡遊宮觀觴樂池臺我有周親無時不

從主家外幸比齊后而聯恩子壻中叅與趙王而均禮或醉飽

踰度寒燠未平何嘗不御藥在門王人接路當時厚澤莫之尚

也景龍四年二月以奉御出為丹延二州刺史保傳下堂隨朱

輪集作而同去輜輶入郡與阜蓋而齊飛辭宮闈集作歲闌

戀庭闈集作而日遠肥泉永歎邪氣攻衷楚祝招而不來秦醫

采而不及景雲元年八月二十一日傾遊於延州之廡舍春秋

二十有四美玉褫顏明珠晦色平陽舊宇遂無望於歸寧懷縣

新文空流連於永遊有子三人西華南容東里等或亂或攻呱

呱而泣天何以罰神其忍之冬十有二月五日歸葬於長安之

洪瀆原窳空營護有命加等器服祖遣率由舊章生之也榮莖  
之也禮若夫柔嘉好合善之元也肅雍降賁謙之道也山河其  
德容潤廣也熊羆其祥祚胤大也惣衆美於脩嫜落集作驕暉  
小年此所以哀中之又哀也昔哀亡馬氏蔡筆斯奮鄭喪曹姬  
潘文以作矧茲內範事華無愧砥望夫之石以表靈立緝幻婦  
之辭將傳古銘曰

薛之皇祖胄軒國禹相殷侯周氏其土宇奕奕白雲鬱彼河汾

公門蕃衍銘鼎氛氲則仁則義則戚則勲餘慶介祉誕靈女士

中宗之甥鎮國之子皎若集作如霜雪華如桃李舜族爰叙克封

咸秩萬泉開賦三百其室集作實宇盛以儉居滿集作沖不溢亦既

鳴鴈且爾家人謙恭下下撫納親親傾才致客對饁如賓我有

邠弟前臨黃道我有池塘却望青草漢輦停慕秦簫拂早歲月

易忘歡娛難保良人出守將命以徂與子偕往飲別東都望毋

腸絕辭家淚枯露委莖草霜酸衆雅魂兮何歸京師集作北之野

莖於何處杜陵之下巖巖雙闕列列行櫝勤是徽音永集作以觀

來者

文苑英華卷第九百三十三

登仕郎胡 柯 鄉貢進士彭 叔夏 校正

文苑英華卷第九百三十四

碑九十一 神道五十一

婦人下

鄭國夫人碑一首

潁川郡大夫夫人陳氏碑一首

汾陽王妻霍國夫人王氏碑一首

谷夫人碑一首

鄭國夫人神道碑

張說

鄭國夫人者弘農楊氏之女也開元神武皇帝惠妃之母也曾  
祖諱諶以禮樂習文為越州司馬祖衍以折衝學武為游擊將  
軍父宏以門才入仕為雍縣丞而早卒初則天之代夫言歸武  
氏曰恒安郡王生惠妃及家令忠僕疑太子僕信開元十年三  
月終于通化里其四月卜宅于少陵原哀子銜血號是仰訴怨  
報德之不待託思齊以集作永慕皇帝挹鸞殿之內憂悵鶴池

之外慄揚淑聲而金石刻揭高行而天地感國史司文命為鄭志若夫清明下濟岳瀆上昇祥會德門慶育邦媛孝德集作之

性天啓聰達之心加以潤澤詩書友玩圖傳伯宗好直預誠集作識

將亡重耳翳遊先稱必霸豈直漢庭章奏假借仲長之才周官

禮義咨稟宣父集作文是之學昌言嘉論有如此者臻首蟻領脩眉

橫波既工頰笑易為容止肅恭而不跼舒和而不倨商周革命

遇屯有怡懌之顏桑霍傲余在貴無驕矜之色端容一貌有如

此者紵紵祭服闕翟朝衣綦組入神翦制驚國雕萌之飯露蔡

之羹五齊六清三鶻七醢咸一見而洞理或不習而知和女工

中饋有如此者惠妃載誕皇子在者四人驪泉多龍舟穴皆鳳

克岐克嶷預見元凱之才實覃實許早聞宵燭之艷亦關陰德

之潛襲胎教之密傳乎又名子以義成家以禮忠者以令德為

忠信者以不欺為信傳云去食存信信而有微經云移孝為忠

孝則不匱周宗咸復集作履是紀季獨存至德深圖有如此者辟司

徒之妻邑其合禮南城侯之婦封其舊功况夫集無慎徽四德

四德咸舉經綸二儀二義克從匿武收繼趙之勲產姚承配夏

之慶吹凱風於椒掖外王母於梧宮盛德大業窮光極寵集作榮

啓國而鄭不冝乎十數年間二子榮立每至四時令節六參嘉

會魚軒照門龜火一作艾綬交室為壽則珠具山積侑幣則綿綺霞

舒集作飛白玉滿堂聚姻親而同有黃金作冗散隣里而無餘君

子欽其市集作布義聖人嘉其實儉故寢疾則飲食天厨湯藥御

府匪日伊夕上宮駱驛於閨庭送終則威儀傾都車騎曠日自

宮徂野中使相望於道路哀榮之盛書記罕聞猗歎所謂小君



歎息臨山原而茫昧旌賁之道不其闕而然則外孫之碑武擔  
 之石非明淑之壟其何所設焉辭成進御帝稱曰善顧謂尚札  
 我其書之於是洒翰黃縑鏤字青碗雲橫波蹙神變艷爛於山  
 門鶴倚鸞翔生氣完延於松路禮尊事絕思崇迹遠斯又玄德  
 動天幽誠迴日之奇致也誰昔詩毛未覩名言莫逮銘曰  
 代有母德厥氏楊兮祖考為士大夫為王兮聖后中葉惣萬萬  
 兮天命未段復歸唐兮賢淑啓祐繼絕亡兮宗周雖戒神女昌  
 兮建號西鄭榮舊鄉兮魚軒翟第盛寵光兮二子雙飛華綬章  
 兮朱輪魚庭煒煌兮集作出入輪輿去此昭昭即茫茫兮何處  
 詔塋火陵阜兮貴妃慈親侯王舅兮寒暑流易山川久兮古墳  
 坡陀老樹朽兮壽宮靈慶百代守兮頌石光華千載後兮  
 穎川郡太夫人陳氏神道碑 前人

穎川郡太夫人者諱某字某雷州大首領陳玄之女羅州大首  
 領楊曆之妻驃騎大將軍兼魏國公思勗之母也陳氏家富甲  
 兵世首嶠外夫人誕靈豪又淑問幽閑六行天至不因師氏之  
 學四德生知無待公宮之教原夫陳本媯水楊承赤泉九真為  
 郡良吏集作出守中國五馬浮江僑人占守集作南海兩  
 州接縣集作二門齊望卜妻鳴鳳擇對乘龍楊翁集作有縹玉  
 之祥應嫗獲探金之慶號公弱冠昇仕鞠躬禁闈正性本乎胎  
 教剛腸形乎義色神龍三年七集作月五日北軍作難西華太  
 先集作是宇騎入宮壺兵纏御樓公孤劔凌鋒群凶奪氣倉平之際  
 安危是屬既立殊常之勲遂蒙昭次之命授銀青光祿大夫上  
 集無柱國弘農縣公行內常侍其後改拜將軍太夫人是加爵  
 邑堂高九仞祿重萬鍾朝廷美其揚名州黨尊其遠聽夫人富

而好儉貴而能勤身却錦繡手親紡績公每昏定晨肖夫人必  
誠忠孝勤學文武常謂汝口稱思最當心念其義父母名之欲  
汝三思而最勵也故號公便習干漁獵書史致命伐罪擒叛  
獠於百越寫誠誓衆破狂蠻於五溪關子弟如使手足請風雷  
若應期契聖朝答高秩於驃騎酬大封於號略豈非以辭弟之  
邈忠成斷織之明訓臣節立矣君恩厚矣子孝成矣母慈著矣  
備此四者善孰加焉抑神道祐心而人倫興行詩曰母氏聖善  
又 又宜爾子孫斯實潁川天君之有也享年若干開元九  
年四月八日薨于長安之翊善里先公早世立墳故域古無合  
塋禮有文一有其從宜夫以體歸下地萬里豈殊乎黃壤魂何不  
之雙棺幸同乎玄宅集作以其年十一月十六日招魂附葬于  
萬年縣龍首鄉神鹿里申孝子不忍隔親之情也恩勅賜錢十

萬緡布皆百段日殫忠厚漢武知其母教馮勤寵貴世祖稱其  
母德克軫天情頗為連類號公生盡其禮沒盡其哀嗟閨水之  
日遊懼藏山之夜徒追鏤碑版遠貼圖傳丞至意有足感人愴  
愴信言故無愧色銘 曰

陳公舜後楊侯周裔去國何人南遷幾世鄙涿嶂表朱岸海際  
兩族相高材集作雄兵銳猗與邦媛儷茲國士友善集作琴瑟  
華如桃李心契法度容和愠喜資敬從夫移忠訓子嘉此今子  
南溟北歸于天鶴淚板集作湔鴻飛朱宮退敵銅柱來威國安  
家寵魚軒翟衣子封號略集作五公前宇母邑潁川三君舊土  
感激榮慶踟躕今古高堂夜空弔客朝聚龍首山前前臨灞川  
招魂五嶺合塋三泉山山立墓樹樹風煙孝碑不滅茲集作墳  
永傳

邠陽王妻霍國夫人王氏神道碑

楊綰

鵲巢配德合好之義深象服建封寵光之致極况動循法度躬事績繁揭四德而表儀高門秉一心而輔佐君子則有夫人王氏有唐元輔汾陽王之伉儷本其盛族著於大原高祖長諧皇左武衛大將軍秦州都督平原郡公贈荊州大都督陪葬獻陵曾祖德玄銀青光祿大夫唐州刺史祖士會河南府陸渾縣令父守一寧王府掾贈兗州大都督或勲閎可稱或理行尤異積仁儲慶弈葉聯華夫人即兗州府君之長女敏晤生知孝慈天性誕含柔範光起韶儀親執組紉備詳圖史女宗之美粲然有光年既及笄禮從納幣言告師氏歸于邠陽汾時寵祿未崇盛業猶晦夫人循節儉之行服幹濯之衣祇事舅姑恪恭朝夕視庖主饋未嘗假人下氣怡聲率由至性生既極其養歿又過乎

戚慎徽衆善敦叙六宗睦娣姒以仁接中表以義由是閨門以穆婦道有聞天寶中汾陽分鎮河中策勳王府夫人從夫之義封琅瑯縣君尋又進封太原郡君其後寇盜橫勦風雲玄感汾陽乃首啓戎行宣力王室出則統一師族入則燹贊台階元勳既崇殊賞斯至內訓之切其子或位列通侯或室嬪貴主姻連右戚榮冠中朝門通漢之津地成冠蓋之里每令節嘉長賞運高會青紫照庭環珮盈室燿灼人代莫之於京然約已尚柔從夫體順服仁不倦率禮無違愆是具美允膺多福亦嘗排鳳闕謁龍顏及承制曰汾陽郡王妻太原郡君王氏婉婉淑德齊莊今榮稟訓姆師友子琴瑟作嬪君子宜爾室家克著艱難之勳實由輔助之力可封霍國夫人初汾陽受命東征長驅河朔夫人處於西土三徙其居道諸子以義方規衆女以典則用能聿

遵禮度伊加等之顧問奉殊常之寵錫容止合度威儀可觀帝  
嘉其賢尤所稱重宜其阜昌盛業蕃衍華緒荷恩渥於上天保  
榮曜於當代而夫人蘊高世之度抱出塵之節以爲致盈必損  
理有固然誓棄浮華願歸正覺於是損其服玩片其愛染思契  
理於勝因將息心於了義乃捨京城西別業奏置法雄寺又於  
法雲寺寫藏經修塔院置經行之室立禪誦之堂景福所憑斯  
焉茫昧遐齡未及奄爾薨殂享年七十三以大曆十二年正月  
辛未終於平康里之私第皇慈興歎中使臨弔汾陽以暇偕老  
之期深遺卦之恨撫襟長慟悼亡何及即以其年六月二十  
葬於萬年縣鳳栖之原恩詔贈賻率如常典哀榮之盛今昔罕  
儔有子六人長曰銀青光祿大夫子詹事上柱國大原郡開國  
公曜次曰開府儀同三司行左散騎常侍趙國公晞次曰開府

儀同三司行尚書吏部司封郎中上柱國樂平郡開國公晤次  
曰銀青光祿大夫試殿中監駙馬都尉駿次曰銀青光祿大夫  
守殿中少監曙幼曰朝散大夫守祕書省著作佐郎映有女八  
人長女適成都縣令盧讓金次女適鄂州觀察使吳仲孺次女  
適衛尉卿張浚次女適殿中少監李洞清次女適司門郎中鄭  
渾次女適汾州別駕張邕次女適和州刺史趙縱幼女適大常  
寺丞王宰並銜恤在疚是崇窀穸帝女降天人之貴從主婦之  
儀手制衣衾親臨祖載自宮徂野徒行號擗此又盛德所感明  
靈永慰者也汾陽屬當出鎮瞻望不及思刻金石以紀徽猷綰  
顧無讚美之能虛承叙德之命式揚茂實以副永懷銘曰  
赫赫崇勳鬱爲元臣峩峩淑德奄有方國夫貴妻尊恩深寵極  
聿修闡政以懋嬪則爰自中年嘉聲克宣魚軒昭曜翟一作第

嬋娟儂從如雲歌鍾沸天永言浮世載悟真筌玄夜何速青鳥  
斯卜惻愴荳陵谷惟貞石之不朽度斯言之可復

故義武軍節度支度營田易定等州觀察處

置等使檢校司空同中書門下平章事贈太

傅上谷郡王張公夫人登國夫人谷氏神道

碑 權德輿

皇帝以文明御方夏以德禮序人倫貞元十二年秋九月詔侍  
臣德輿以故義武節度檢校司空同中書門下平章事贈太傅  
上谷郡王張孝忠夫人谷氏之淑行內則俾刻金石臣聞風有  
乎穎乎繁易曰中饋貞吉所以表柔明於內子昭信於元侯宣  
力獻功抑有其助夫人之光魏郡昌樂縣人也 在漢元成之伐  
衛司馬吉以勲勞致命於絕域大司農永以文學盡規於本朝

前史書之以勵臣節四代祖那律皇朝諫議大夫弘文館學士

正直之道播于清時曾祖輔衮左羽林軍長史祖倚相祕書省

正字仍代藏器晦而不耀考宗義天寶未有行師比鄙之勞累

書勲代至左金吾衛大將軍兼殿中監贈特進夫人即持進府

君之弟八女也稟是門風鍾于女士淑閑之度中外宜之初大

傳始自軍校建功何朔克彰婦順敬贊宗事正位于內尚柔有

儀洎太傅自易部領常山遂分節旆以至公相上略兼資於明

智中壘載揚其惠和二姓有輝六姻是憲盡禴翟之飾動珩璜

之聲建中元年封魏郡夫人三年進封鄧國夫人旌淑哲也鵲

巢之均一家人之悔厲躉豆敬齋之色琴瑟靜好之儀夫人備

有焉帷堂畫哭良兮繼志上慈下厚就養無方此又令嗣之能

致其敬也貞元十一年冬以門承勲績之崇恩有選尚之貴方

築外館聿來上京十二年二月丁卯以疾終于萬年縣安仁里  
私弟年四十九遺章上陳敬而得禮皇情憫惻恩贈集作有加  
嗣子茂昭義武軍節度易定等州觀察處置等使起復左金吾  
衛上將軍檢校工部尚書定州刺史兼御史大夫延德郡王博  
陵上谷之師以績休緒戎車委重優詔抑情次日茂弘雅王府  
司馬茂宣舒王府長史嗣雍祀王府諮議叅軍嗣慶誠將作少  
監兼御史中丞幼曰茂宗銀青光祿大夫行光祿少卿負外置  
同正負駙馬都尉皆以純孝裕盡居喪執禮以其年冬十月甲  
戌奉夫人之輅車葬于京師少陵原不祔舊封式遵古道恩延  
戚里有命從之初夫人之兄從政實傳戎韜之訓以中執法剖  
符定州有嫡四人所天皆貴異姓之社從夫以尊公宮之教率  
性而中象服交映魚軒並馳後婚親一作無非勲德故太尉中

書令西平王今太尉中書令瑯琊王皆夫人之姻也納微佐餒  
焜耀一時此又閨門之盛而積善有類也柔正之風本於王石  
銘曰

在漢子云侃然中正昌言獻可遠緒傳慶降及特進策勲斯盛  
乃生夫人如玉之溫婉彼淑質宜于盛門金鉉石窳所從益尊  
亦既晝哭道彰訓育中權之貴克繼藩服下嫁之榮方承湯沐  
生也有涯壽胡不遐奄然宜窆喪此柔嘉遽返黃壤空悲白華  
秦原隱嶙丹旆徐引此焉幽宅自昔同盡追琢徽音終古不泯

文苑英華卷第九百三十四

登仕郎胡

柯

鄉貢進士彭

叔夏

校正



時百穀周有大賚隋高祖昧旦丕顯齊聖廣淵皇天眷佑誕受  
 顧命恭皇帝遜位明教能讓天下作賓皇室與國咸休家承百  
 代之宗國稱二王之後公山河積氣清白餘基孝友著於閨門  
 信義形於邦國縱心妙用不出戶庭覃思典墳不窺園圃集作  
 及其上公轉位命服居前有休惕之心無驕矜之色漢之平帝  
 猶敬劉歆某作猶魯之戴公尚聞商頌大唐貴為辰極富有寰  
 瀛用三王之禮以同天地奏八代之樂以答神祇郊上玄定泰  
 時金繩王匝日觀登封左介西偏明堂布政未嘗不虞賓在列  
 周客來庭禮秩尊於百寮讚拜絕於羣彥某作猶能小心畏忌  
 恪慎肅恭上帝時歆下人祇協以為蕃屏以訓子孫稟命不融  
 享年五十有五嗚呼哀哉越某月葬于某原嗣子某官生盡其  
 孝集作死集作盡其哀學不替於為喪禮有踰於鑽燧卜其宅

此無後難述其家風謂之不朽其銘曰

有客有客乘殷之馬建于上公尹茲東夏有客有客乘殷之輅  
 作賓王家率由典故天之蒼蒼人之云亡栢檟成行魂歸故鄉

故門府儀同三司上柱國贈太傅信王墓誌 常哀

昔周以仁厚之化睦于宗戚而武王之弟有國者三無官者五  
 漢家雖皇子畢王而猶各守疆土不在京師我唐以孝理萬國  
 周親並建至于玄榮儀制益重寵以留邸罷其師藩大弟連乎  
 北宮高臺接手雙闕今舊典不易時恩有加所以廣親親之道  
 洽骨肉之愛也王諱璿字某玄宗至道大聖大明孝皇帝第某  
 子也母曰靈賢妃性與其貞氣合於純君親之際止於孝伯仲  
 之間止於悌重以師傳之教資其賢淑之能實大雅之明哲高  
 陽之恭懿也在開元時則帝子之寵紫殿温清一作彤庭趨拜



鳳姿秀發麟趾光華祚于海邦蕃我王室在至德時則皇弟之弟駟馬之迎深於友愛三雍之獻益用親禮故詩有行葦勿踐所以昭忠厚也我皇既受命則叔父之尊安平望高往南屬長其朝會也不在贊拜之列其宴私也特加壽觴之敬故書有分玉展親所以美敦叙也至如淶池朱閣素月清風兄弟俱來子孫列侍偃蹇叢桂淹留芳草內饗分膳賜藥在庭杳然蓬瀛之外自適天人之樂斯非聖君尊寵之所尚賢王福履之所宜也以大曆九年十月庚午寢疾薨於上京春秋五十皇帝設位哀慟輟朝三日乃命中貴人襄事於內邸宗室屬哭籍于外次既嬪又詔司儀備物典策追謚命太傅光祿勳持節弔祭京兆尹監護喪事以其年十一月庚申葬於細柳原妃范陽盧氏祔焉禮也嗣子某郡王某官某乙等孝極其至喪如不勝故事蕃王

墓銘別詔論譔微臣惶恐謹而誌之詞曰

王鑽黃流文祖受命金璽綠綬賢王分慶惟此賢王令德孝恭尊事天子翼翼邕邕天子敬異優其賜與大輅之旂玄衮及黼如何不永誰察誰補葬我叔父于渭之傍曉下蘭坂夕臨芷陽百官會送五校啓行鼓吹悽咽郊原蒼涼御津門外集作上遠涕連罔懷增慟迴輿更傷

信王第七子贈太常卿鄴國公墓誌 前人

維永泰元年歲在乙巳四月壬戌朔十一日壬申有唐信王第七子侍終于西京之內邸春秋一十有八嗚呼哀哉詔贈太常卿粵翌日追封鄴國公以其年五月三十日葬於細柳原禮也公系承霄極慶襲藩維忠肅立身孝恭成惟早聯華於武穆能有裕於文孫令範韶閑良才美秀敦以反悌絕其交遊器適四

科術通六藝弘此素尚暢於黃中宜其壽昌胡不秀實方固盤  
石遽凋本枝皇上義切友于情深悼往睦親軫念懷德增悲寵  
贈太常卿特優恒數仍賜苴茅之命用追棣萼之榮日月有時  
卜云其吉送終灞岸載慟津門爰命侍臣俾刊貞石銘曰  
玄宗之孫信王之子性與聰悟天姿韶美始能趨拜即異幼冲  
觀書魯壁習樂雍宮韞此器能方期光大一朝短折萬事宜昧  
皇恩寵贈友愛惟深幽局永閉長夜沉沉

奉天皇帝長子新平郡王墓誌

前人

維永泰元年歲次乙巳二月十七日新平郡王薨于西京之內  
耶春秋四十一粵以其年五月七日遷窆于萬年縣龜川鄉細  
柳原禮也王諱儼字伯莊睿宗之曾孫玄宗之孫奉天皇帝之  
長子也幼而溫良夙乃碩茂動皆執禮言必稱詩皇孫之中德  
行推美周邦右戚漢典開封代繼讓王之尊親承太伯之嗣先  
朝友愛夾葉追崇常住南楚之風美翫之西園之仁者不壽遘  
疾而終皇上軫棠棣之悲懷鴈行之慘輟朝震悼義切天倫驚  
塚云封龜占從吉俄辭舊邸言向住城近灞陵之高原當細柳  
之古地丹旆將引玄甲啓行器備飾終禮有異等嗣子年在童  
幼執喪而哀詔葬之儀悲深先遠豐碑之窆詞在刊銘銘曰  
文詔武穆天孫帝子好古推賢樂善歸美親承太伯業繼賢王  
漢屏斯重周卿有光人閱於水夜遷於壑長坂蘭摧小山桂落  
細柳之地灞陵之川泉扃一閉幽塚千年

睦王墓誌銘

梁肅

王諱某有唐代宗睿文孝武皇帝之第幾子今皇帝之愛弟也  
某年封睦王春秋若干以貞元七年某月日薨于京師皇上震

悼命有司筮宅兆撰吉日以明年二月某辰葬王某縣某鄉某

原禮也惟天祐序于皇家惟王承慶于祖宗方於集作有周康

叔實文王之子擬諸炎漢河間稱武帝之弟天鍾秀氣幼挺全

德清明在中淳耀集作發外稟先聖之嚴訓則樂善不倦奉吾

皇之深愛則敬順日躋至乃因心之孝率性之道集作温良惠

和敏肅端懿學無不探集作藝無不至固以邈焉殊倫悼集作

生於知者已洎夫備物典策啓土建封栢珪之重盤石之宗守

以清淨行以謙冲不然者何名之茂何寵之口豐方將明上集作

壽以用五福胡乃天不然而命不融此聖人所以深津門之慟

凡百所以惜東平之終臣肅奉詔銘石冥玄壤之中所以紀茲

墳之永固以表王德於無窮者也銘曰

聖帝介弟於惟睦王令問令望于邦有光惟王之賢懿德日宣

受福于天胡不永年東門之路西靡之樹萬有千古賢王之墓

會王墓誌銘

白居易

唐元和五年冬十一月四日會王寢疾薨于内郎大小殮之日

上皆不舉樂不坐朝恩也越十二月十八日詔京兆尹王播龍

疑作就三字監視葬事窆于萬年崇道鄉西趙原禮也是日又

詔翰林學士白居易為之銘誌故事也王諱鱣字某德宗之孫

順宗之子陛下之弟幼有仁集作德早承寵章未冠而王受封

于會夫以祖功積集作是德之慶父天光日之貴祚集作士列藩

之寵好德樂善之賢宜乎壽考福延為王室輔鳴呼降天不永

二十一而薨集作哀哉皇帝厚新集作睦之恩深友悌之愛故

王之薨也軫悼之念有加於常情王之葬也追尊集作之儀有

加於常數哀榮謙備斯其謂乎銘曰

歲在寅月窮紀萬年縣崇道里會王薨葬於此

特進贈兗州都督駙馬都尉觀國公楊公墓誌

銘

張九齡

公諱某字某弘農華陰人也其先食采於楊因邑為氏始大於  
兩漢更盛於周隋司空觀德王我之高祖也台階論道盟府書  
勲利建維城澤流後嗣洎右衛將軍贈兵部尚書府君諱某累  
葉炳靈六轡承祀而皆千里一舉逸翰所推五族集作同拜貴  
戚莫比公即尚書之子也誕保中和克紹前烈幼以美秀兼大  
叔之文長而嘉聞增季友之業孝悌忠信蘊平生知禮樂詩書  
成於時習弱冠以門子調補晉州參軍中宗之在春宮也妙簡  
才地將降天孫兼之實難而公惟允以選尚長寧郡主加朝散  
大夫拜通事舍人累遷左集作右衛郎將神龍元祝中興在運預

聞人策克樹休勲而貴主宜家既增湯沐列侯傳國復錫山川  
至是始襲觀國公拜駙馬都尉左千牛衛將軍加上柱國累遷  
秘書監兼大子賓客增秩金紫光祿大夫又特進右散騎常侍  
左千牛將軍陝王傳生事左出色巴州刺史入為光祿卿復出  
為豪襄陳鄧四州刺史左轉鄜亳許絳四州別駕公性明敏有  
器韻不求虛譽而百行允修不矜小善而九能咸集作事至於入  
官從政東文西武才既兩可事亦百中且不恃貴而集作傷義  
不怙寵而廢公奉以周旋加之撫挹雖在降出無它悔悵此亦  
公之善自為謀以道終始者也開元十二年四月癸卯遘疾薨  
於絳郡之官舍春秋五十天子悼焉有制贈使持節都督兗州  
諸軍事兗州刺史仍遣使弔問令返蓋京師率禮有加哀榮異  
數其年秋九甲申葬于北原其孤曰某等煢煢在疚願圖遺烈

後之亦人知范宣之世祿豈獨臧孫之立言銘曰  
巖巖大華作鎮西土祚我諸楊降生厥祖四代而立為漢元輔  
爰及胤裔克復光先集作古猗嗟觀公不忝前人荷天休寵為國  
嘉姻王孫作儂帝子來賓瓊敷玉潤暉映紛綸乃登王朝乃尊  
爵秩祿盈萬鍾賦食千室亦克畏滿亦以戒逸物更盛衰時有  
得失稟命不融斯人則亡天歸京兆地返連岡于嗟此室徽音  
不忘

銀青光祿大夫檢校左散騎常侍兼宮苑閑廐

使駙馬都尉郭公墓誌銘

沈亞之

府君諱某某先關西鄭人也大父汾陽王始以武集作勳著績  
為朔方軍副使天寶末玄宗南巡巴蜀肅宗勞兵于靈武乃率  
其義虜順夷合兵逐叛得為朔方軍節度既而二駕還都拜為

中書令統兵於外初廣德集作代夫戎飲馬昆明至于御溝天

在陝又以擊逐之功益拜尚書令封汾陽王尊稱尚父乃詔子  
曖尚昇平公生都尉主客皆賢故長安中名人文士自李端司  
空曙之徒咸遊其門賦詩席酒更日而主生子三人女二人長  
今為皇太后府君即其少子初憲宗居邠時親臨主家納迎如  
禮即今上即位皇太后昆弟皆寵錫尊官而府君最少蓋蒙隆  
念自邠州刺史入為殿中監尚西河公主歲餘改宮苑閑廐使  
府君寬柔和易不守剛決長慶三集作二年七月五日暴疾卒于  
主家享年三十七太后聞之驚悼悲哀使者自中宮出按問發  
疾之狀月餘乃解以其年十二月十九日瘞于京兆某原之上  
初西主前降吳興沈氏生子男一人及郭氏之喪無後而以沈  
氏之嗣為之主辦卜葬有期主喪者使其家吏牽馬操幣至于

操陽即尉家曰尉之文記事有聞矣願得為之銘以誌其壙於  
是與叙勲典之事表于墟中云銘集作曰

河旌集作崑崙命源惟長致于神華其永泱泱影響邁會拔華

吐章靈咽集作氣交彭集作而興祥陶以精神亟為濃光保我

國步乃生汾陽在戶作扃橫天為梁息災破難以藥瘡帝子

入室固如維網孫為國毋沙麓以昌少舅集作姻臣謙寬汪汪

祿而不壽念集作彼中霜惟其流慶與唐無疆

文苑英華卷第九百三十五

登仕郎胡柯 鄉貢進士彭叔夏 校正

文苑英華卷第九百三十六

誌二

宰相一

左丞陸元方墓誌一首 中書令逍遙公常嗣立墓誌一首

尚書左丞張說墓誌一首

崔相國澳墓誌一首

文昌左丞陸公墓誌字 張說集無

公諱元方字希仲蘇州吳縣人也帝典惟二虞盡美於南風強  
國有七齊莫大於東海元侯制食因陸為宗丞相冊勲開吳佐  
命盛德之後瑤琨代襲故丹青奕世三君之望並高金玉聯華  
五帝之目齊重公即陳給事黃門侍郎琛之曾孫唐荊州當陽  
縣丞山仁之孫司議郎東之之姪豫章尉玄之之子體玄黃之  
純粹峻清白之隆甚鵬翼載軒騏鳴自遠始以司成明經業優

擢弟補三水扶風渭南三縣尉授裏行監察殿中三御史遷鳳閣舍人兼太子中舍又判鳳閣又守秋官行鸞臺三字侍郎同鳳閣鸞臺平章事坐公事降為綏州刺史居無何檢校春官又試天官二侍郎兼司衛卿復除鸞臺侍郎同鳳閣鸞臺平章事轉右庶子轉文昌左丞前後掌選及知考各二歲九流銓總代天理物公執其衡鏡而野無遺賢三載考績惟王舊典公秩其一作點陝明而庶官咸事斯並憲章一作蓋閣籍甚人倫至於經濟大道彌綸庶務嘉猷削於隱德弘益晦於推美蓋不得而聞也古人有言進退在命忠信在人一出持州再入莅政汲長孺之方直時守外一作甚胡伯始之詳明丞司中禁柳有由焉嗚呼人之淑斯直享難老昊天降戾曾不憖遺大足元年二月七寢疾而終春秋六十有三歷仕兩宮三十餘載奉上惟敬師下惟誠密勿

兩終靜而調理心尚坦率不遠名教之地迹列軒裳不雜風塵之伍施與忘倦鄉黨穆焉夷險若一朋友義焉所謂終溫且惠行同歸於大雅克已復禮身不離於令名及東首歸全西階撤奠無食粟之馬無衣帛之妾知與不知莫不嘉歎元本三月十四日假葬之園門之南費材永刊照烈重之銘礎其銘元本不載

此篇元在九百四十卷職官門今移于此

中書令道遙公墓誌銘 張說

唐故中書令道遙公遠氏諱嗣立字延構京兆杜陵人也受渾元之政性挺生人之秀傑門為孝悌之府世處白衡之地蓋士林之高標宗臣之首出者也生於秦之清水長於鄭之成臯聰明先覺博古兼覽究蓬山之百氏綜闕里之六藝文而不華實而不滯源夫志在於易行在於禮守孝齋之中虛播朱絃之愷

悌事有則而言有度神無方而用無體其與人也温良善誘仁  
 恕多容俾夫頑蔽開拆悞驚擾從君子進道小人革慮聞者願  
 來見者忘去若膏澤之浸陽和之感萬物不知其化矣及夫履  
 賈登朝濫觴宰邑聖朝知其周慎忠肅簡易循良是矣綢繆兩  
 禁重疊千里迄踐宰衡終厥有成凡化二邑理七郡三入中書  
 冊統兵部選吏部集本文粹各兩冬典樞密共五載光弼四至  
 歷政三十有餘某間累有謗集作及官因左退日月蝕而更明  
 隨和幽而昧爾其為邦設教遵德閑邪身勤心苦誠感物化禮  
 讓興於私室刑罰廢於公家衡鏡高懸文武矯首才無我失善  
 若已有風流名教作法垂後許謨皇極功格天地茫茫蠢蠢既  
 遂四夷來王五靈皆至然而外榮中素逆迎心遐杳然朱石二本  
 之若喪二本若赤松之可接西宴驪山之谷東息龍池之野作

擇道遙而建號裂士宇而闡社明主封帝立之謀表高臣之志  
 也公考侍中元國元輔公兄承慶當代齊名咸之令德繼和金  
 鼎扶陽二相陳氏三君復追美名二本侍仲前夫人崔氏生黃  
 門而即世後夫人王氏生公而偏愛公克諧以孝因心則友啓  
 均養之德成無間之言天下之人比之祥覽惟公德行言語文  
 學政事四者實惣而兼之事親養志而能爭居喪過哀而顧禮  
 此又善中之善者也善人天之經也國之寶也道之興廢木鐸  
 之用有時命或推移蒼天二本之望恒在春秋六十有六遘疾  
 陳郡還醫洛師開元七年九月二日薨于歸德里有詔贈兵部  
 尚書謚曰孝禮也明年某月塋於某地有子孚恒濟史儻然在  
 疾靡所真哀以某忝縉雲之舊寮沐清風之餘論入難名之閫  
 域窺妙德之形容見託銘志庶傳精爽至於曆官次序平居事



業當見郡府遺愛之碑國史名臣之傳故不焉銘曰  
峩峩仁公抱孝含忠文獻則足高明有融翻飛王佐穆我清風  
道濟明時心樂幽地薜衣華袞坦然一致逍遙啓封帶礪傳嗣  
二本作祀生涯共盡振古其常人秉三德天歸百祥臧孫有後公業  
不亡

開府儀同三司行尚書左丞相燕國公贈太

師張公墓誌銘

張九齡

大唐有天下一百一十三年開元十有八載龍集庚午冬十二  
一作月戊申開府儀同三司行尚書左丞相燕國公薨于位享  
年六十四嗚呼哀哉皇帝悼焉素服舉哀廢朝三日乃下制贈  
太師蓋師傳之舊恩禮有也加詔葬先遠喪事有日又特贈御  
詞表章琬琰公義有志身之勇忠為社稷之衛文武可憲之政

公侯作扞之勳皆已昭昭於天文雖與日月爭光可矣公諱說

字道濟或字說之范陽方城人晉司空壯武公之裔孫周通道

館學士諱弋府君之曾孫贈慶州都督諱恪府君之孫贈丹州

刺史刑部尚書諱隲府君之季子自上世積慶及公而祥發神

明所祐集作道德為樞生以寧濟幼而聰悟集作鷹揚虎視英

偉磊落越在諸生之中已有絕雲霓之望矣初天后稱制舉郡

國賢良公時大知名拔乎其萃者也起家太子校書迄于左丞

相官政四十有一而人臣之位極矣尚書國之理本公悉便之

中書朝之樞密公亟掌之休聲與偕升降數四守正而見逐者

一遇坎而左遷者二其餘惣戍于外為國作蕃所平除者唯幽

并兼節越而已至若三登左右丞相三作中書令唐興已來朝

右集作莫比蓋聖賢之運有會師臣之道欲行人雖求多我每

餘地馨香之發敷聞自久宜其翊戴聖后師範百寮功烈過於  
如仁集作神德聲出於咸一比固與版築屈起屠釣作合之類亦  
云異也公志玄遠而性高亮未嘗自異會節乃有立何所不可  
體道以為宗既定國於一言而集作亦保身於集作之大雅其於經  
理世務雜以軍國決事如流應物而集作如響紛綸輻湊其猶指  
掌及夫先聖微旨稽古未傳缺文必補墜禮咸甄與經籍為笙  
篁疑作黃於朝廷為粉澤固不可詳而載也始公之從事實以懿  
文而風雅陵夷已數百年矣時多吏議擯落文人庸引雕蟲沮  
我勝氣立明有恥子雲不為乃未知宗匠所作王霸盡在及公  
大用激昂後來天將以公為木鐸矣斯文豈喪而今也則亡嗚  
呼克生以輔時而匡道不究致用以利物而人將安仰上撫床  
以念往下輟相而哀至復見之於公焉太常議行謚曰文真二

十年秋八月甲申遷窆於萬安山之陽燕國夫人元氏附焉夫

人故尚書右

集作右

丞相武陵公懷景之女也動為柔範皆可師

訓及公之貴連姻帝室雖處榮盛若非在己內執謙下外睦親

疎古之賢明未始兼有開元十九年三月壬戌薨于東都康俗

里弟享年六十四長子均中書舍人次曰均駙馬都尉衛尉卿

李曰叔符寶即泣血在疚皆我之有後也嗚呼玄堂永闕何事

春秋幽篆斯在亦云不朽而已銘曰

天有密命滋液百寶時無大賢誰與明道我公允叶我德孔昭  
翰飛戾天羽儀清朝功遂身謝名由實美言而有立古無不死  
南山之下詔葬于茲後之與歸惟我大師

相國崔公墓誌銘

穆負

皇唐相國博陵公姓崔氏諱渙字某佐玄宗扶正厄運保維宸

極戴肅宗詔復大業底綏生人事代宗朝羽儀百辟歷官二十  
三享年六十二以大曆三年冬十有二月二日薨于道州刺史  
之寢明年歸柩于洛陽比邱山今上六年追贈尚書左僕射夫  
人榮陽鄭氏華陰郡太夫人子貴也故公三娶前夫人生豕子  
常山公公之清德重望洎天官亞相之位事後夫人榮陽鄭氏  
恭公之理命以無違為大而僂倨拘忌出入銜恤推周公合祔  
之事凡龜從事逆者數嗚呼天不以西漢常平之美惠于吾君  
使常山下世永懷不集故有沒代之痛著遺令焉貞元元年秋  
九月季子京兆府三原丞揚孫前渭南尉元方哀奉常山之志  
逮乎在殯是月壬午啓博陵公之燧明月一作日丁酉以華陰郡  
大夫洎繼夫人隴西李氏之喪歸禮也公大父諱玄偉唐書中  
書令博陵王於皇有再造勲事具國史考據禮部侍郎襲博陵

王與魏元忠趙貞固為友出處齊名公則禮部之弟二子也天  
寶中歷屯田佐司二負外郎出為歙州敕史換綿州錫金印紫  
綬大駕南巡以至誠大義感寤聖主中興之業見於言下擢拜  
門下侍郎平章事靈武即位與上宰房公瑄奉冊書國璽唯新  
景命是時也中原有昇浞之亂南東有吳淖之豐乃三分天下  
之一以八柄付公俾公杖節督護河南山南江南淮南之地凡  
受賑果疑作事征者由公以律二千石已降唯所遷置公於是度  
用均賦息人繕兵外攘四封內叙多士望高寄重怙寵者排之  
降左常侍領杭州刺史俄轉常州徵拜秘書監太子賓客大理  
郎坐失繫囚移信王府傳轉尚書左右丞吏部侍郎御史大夫  
大曆中元載顓政中外附之公對敷內廷數其不赦之罪上含  
之未諭公抗司焉寺人屬垣漏言于載未幾有道州之役逞憾

故也公標鑒遐明姿度弘粹松茂玉潔風清雨潤文以經邦爲  
用學以爲己爲宗承祖彌以付子孫者清白孝友其哲人哉夫  
人磁州刺史曾之孫頰川大守長裕之女年若干捐公之館子  
曰縱實常山公繼夫人舒州刺史紹之孫左羽林錄事參軍晃  
之女年若干遺公之祿子曰捷世系表作捷仕萬年尉不幸早天二  
夫人地清天和夫賢子孝四者均有之清之發祥和之應壽賢  
之用貴孝之報榮四皆遠之哀哉孝孫元方痛先人存沒不伸  
之志其號天也與吉函俱咨于叔父揚日先志未從不敢以先  
祖是日也奉二夫人合于此室既定而常山附焉負常山門吏  
見託銘石其詞曰于穆元輔歸全故立列樹已拱清風悠悠邀  
矣夫人同凋上春配忠生孝翊聖懷民賴及於國慶達其身五  
父雙啓九泉同閑遺厥嘉祥及爾昆裔

文苑英華卷第九百三十六

登仕郎胡

柯

鄉貢進士彭

叔夏

校正

文苑英華卷第九百三十七

誌三

宰相二

相國義陽郡王李抱真墓誌一首

相國武昌節度元稹墓誌一首

相國義陽郡王李公墓誌銘

穆負

皇唐九葉天啓元聖運并中否蓋有苗不龔舜德於是乎盛猷

狃孔熾周道於是乎興而我相國太保義陽王文武命代經綸

應其柱石將傾舟楫未濟腹心王略瓜牙天罰芟夷大慙覆昌

生人心諱抱其字天真本姓安氏世為涼州盛族高祖修仁佐

太宗征伐益大其家寵位本州啓封申唐安相世系表作鄂國曾祖興表作永達

開府儀同三司左驍衛大將軍祖恪表作懷恪陳州司馬贈兵部尚

書考齊管贈太子太保或才光一作于時或道屈于命從父兄

司徒涼國公抱王事肅宗代宗勲著王室錫以天姓代宗之初  
僕固懷恩怙兵犯順公時兩一作命汾州別駕隨州陷焉懷恩

雅竒公才而懼公之不同所以待公與衛公者偕切公竟以勇  
智自脫投身京師上方以懷恩為憂不啻於祿山思明之難遣  
公進討公曰郭子儀領朔方之衆人多思之懷恩因入之心以  
邀其勢給其衆曰子儀為魚朝恩所戮却而用之今若復子儀  
之位可不戰而克上嘉而納之其後懷恩子父皆敗朔方有衆  
洎西北兩蕃望子儀而頓伏皆如公策拜殿中少監濯纓清列  
擇一作盛當時卿大夫賢者從之遊朝綸美價於斯為重大駕  
幸陝欲遂都洛陽公入陳妻敬子房之說且曰臣見大戎今已  
遁去翌日長安告至如公之言代宗器公之才將試其用詔兼  
御史中丞充陳鄭澤路節度留後公以所奉之主則從父兄司

徒公乃深惟大雅明哲之義罷請留府願効列郡憂詔之拜澤  
州揆覃懷二邦之人得公失公皆如父母未幾復統留府之政  
累加御史中丞左散騎常侍并領磁邢二州增秩加邑國之報  
也今上即位用聰明神武照臨不庭命方叔召虎鎮衛四國是  
用授以黃鉞俾以專征而方命之徒晨威光舉田悅以暴兵五  
萬寇我東鄙劫邢州圍臨沼守將棄城如山不拔忿恚且恥既  
悉索境內且乞師于隣掘地干雲壕壘數合上絕飛鳥下及黃  
泉公躬執鉦鼓屢挫其銳詔命太皇節度使今侍中馬公與公  
合縱且日盡敵非疑是摧堅陣於雙岡釋重圍於二城殲逆徒  
於洹水凡三戰三北退伏于魏寔如囚拘逆將朱滔誘合司徒  
王公合范陽恒山之衆來為悅援公與馬公洎郡帥屯于魏橋  
相持卒歲無何京師有朱泚之亂鑿與外次群帥失圖蒼黃還

師唯恐在後公徐統士馬退次洛州旋奉詔書俾勤所職于時  
將卒倦戍久矣其還也如州壅而潰勢不可遏公至誠大義發  
為號令俾四郊激勤王之志三軍忘思歸之心進師漳河獨壓  
強寇先是與公戮力太原朔方盟津洎神策四帥十萬之旅一  
朝雨散孤軍特立天下危之公忠貫天地機先鬼神動如雷霆  
峙若山岳銷難於未朕成功於無戰氛禋四廓狼豕坐馴上在  
奉天躬禹湯勃興之德曰萬方有罪罪予一人發號改元與人  
更始公奉揚天澤浹于四隣增日月之明廣雷雨之施由公而  
復爵位者今司徒王公洎魏博青齊三帥凡三道數十州百萬  
旅歸于聖理公之功也宋滔以幽燕勁卒撫虜驍騎將欲橫行  
咸洛屈強中原輔其元批窺伺神器公以奇謀正義問說成德  
成德與滔契重婚姻事同艱阻與公交鋒對壘積為敵為讎乃

為國為公忿滔如嚮將欲自竭先試於公授我以可疑報之以  
必信公與王公之相見也王公旌旆車騎亘如長雲晦日蔽天  
風驅而至公以數騎徑造其前王公叱去左右躍鞍而下交臂  
號譁聲聞昊天即日兩軍億萬之師悉如兄弟公遂入其壘授  
之以畫明日合勢大破滔軍于涇城之西滔鼠竄舊巢至死不  
振逆泚折臂群兇奪魄諸將聞風益狀踵武獻既而妖彗彗星  
纏復鯨鯢戮九字一縷作妖彗彗海水清而震曜靈咸興復昌運  
自我而始其天啓歟公使將如臂使卒如指決勝于千里之外  
者則河中拔淮夷殄分彼成功什三四焉初臨洛之解遷功部  
尚書涇水之勝轉兵部魏橋之勤加右僕射漳濱之固轉左僕  
射同中書門下平章事宋滔之敗遷司空食實封百五戶貞元  
初上有事于上帝烈祖公得諸會朝宣室受釐明堂布政對揚

丕顯錫命蕃庶方寄肱股而藩屏是切方屬周召而摺文是賴  
居數月受命遷鎮公之鎮於潞也垂三十年撫五郡四封之人  
作之醫作之師生成之富庶之耆老詣闕願刊金石詔俾時宰  
揚一作相其頌聲逆者大梁東平二帥交惡僉使上介質正於公  
公以天道助順神明與直財而辯之司徒王公以不貳心合公  
一德資稟明略有如元龜議者謂上黨之俗地狹而力氣寒堅  
冰蓋戰國武卒之餘也故長於步冀之地土馬之所生故長於  
騎而公以疑作與王公天下之傑也各因其俗之所長以伯諸侯  
嗚呼使將步王公將騎以征西方以將王室亂臣賊子誰敢萌  
心上天謂何而降公疾願守謙損固辭崇高請罷三公拜章七  
返天子重違宗臣之請又迫蒼生之望退授僕射而安危注意  
之任猶以煩之十年六月一日薨于位春秋六十有二皇上震

悼輟朝三日所以贈祿之品禮極數殫中貴護喪達于洛汭冬  
十月九日葬于灑池祔先君太保之塋禮也公自生勲門幼被  
儒術長覽太史公班孟堅書服從衡之言至於兵法尤其天性  
而體乾之剛利坤之貞煦春之仁厲秋之義蹈禮之節包樂之  
和是以文昭扶翊武著戡靖行備九德政成百度忠與勲偕業  
與時併矣符相印與身終始開國傳家與國無窮盛矣哉公再  
娶于鄭華集令德其偶而一前夫人滎陽郡夫人皇洛陽令汲  
之子也不幸早世後夫人汧國夫人皇洛州壺關令鞏之子也  
昔以賢輔貴令以哀報榮既大公門且肥公室初公之弃三軍  
也嗣子前殿中侍御史緘為墮淚所迫俾嗣公位緘曰為先人  
之嗣者苟生非忠冒死非孝深惟自免之計既而忠孝全焉次  
子幼成季子幼清次女適清河崔弘雅有幹父裕母之美長女



幼女並從西方之教各得其旨緘等以公成功盛德列于史策  
流于歌頌傳于故老之口巍巍乎其不朽矣若立聲遷化歲序  
超忽則貞石是賴不可以不識焉爰假菲詞俾鋪玄壤銘曰  
陰陽成歲百物以生聖賢撫運天下以平神武嗣統朝陽啓明  
照臨萬邦震耀不庭蠢彼昏迷為國攙搶栢栢我公受命徂征  
風行王化雷動天聲靡宇不固何攻不傾信信一作材武率馴  
忠貞茫茫氛祲於變廓清入覲于王惟周疑作之損帝念藩翰  
復我長城宜錫難老以主夏盟奈何昊穹天拯一作壯齡善積  
存沒報窮哀榮勒勳王府遺業生靈歸我貞宅封山表瑩永閑  
泉戶與天壤并

此篇元在九百三十八卷職官門今移于此  
相國武昌軍節度觀察處置等使正議大夫檢

校戶部尚書鄂州刺史兼御史大夫賜紫金魚

袋贈尚書石僕射河南元公墓誌銘 白易居

公諱積字微之河南人六代祖巖隋兵部尚書封平昌文粹如此是英

華作武平集公五代祖弘隋北平太守高祖義端魏州刺史曾

祖延景岐州叅軍祖排南頓縣丞贈兵部員外郎考諱寬此部

郎中舒王府長史贈尚書左集本文僕射妣榮陽鄭氏追封陳

留郡太夫人公即僕射府君弟四子後魏昭成皇帝十五代孫

也公受天地粹靈生而岐然孫而嶷然九歲能屬文十五明經

及弟二十四調判八四等署秘書省校書郎二十八應制策入

三等拜左拾遺即日獻教本書教月間上封事六七憲宗召對

言及時政執者疑忌出公為河南尉丁陳留太夫人憂哀毀

過禮杖不文粹能起服除之明日集作授監察御史使于屬按

任敬中獄得情又劾奏東川帥違詔條過籍稅又奏平塗山甫  
等八十八家冤事名動三川三川人慕之其後多以公姓字名  
其子朝廷疾二作東諸侯不奉法東御史府不治事命公分臺  
而董之時有河南尉離局從軍職尹不能止監察使死其柩乘  
傳入郡此二本無入鄆鄆吏不敢詰內園司械繫人踰年臺府不  
得知飛龍使匿趙氏亡命奴為養子主不敢言浙右帥一作封  
杖扶一作安吉令至死子不敢懇凡此者數十事或奏或劾或  
移歲餘皆舉正之內外權寵臣無奈何咸不快意會河南尹有  
不如法事公引故事奏而攝之甚急先是不快者秉其便相噪  
疾坐公事達作為黜為江陵士曹掾居四年徙通州司馬又四  
年移號州長史長慶初穆宗皇帝此二本無嗣位舊聞公名以膳  
部員外郎徵用既至轉祠部郎中賜緋魚袋制知誥制誥王言

也近代相公多失於巧俗自公下筆俗一變至於雅雅一二字二

變至於典暮時謂得人上嘉之數召與語知有輔弼之才二作本

其有輔擢授中書舍人賜紫金魚袋翰林學士承旨尋拜工部

侍郎旋守本州同中書門下平章事公既得位方將行已志荅

君知無何有儉人以飛語構同位詔下案驗無狀上知其誣全

大體與同位兩罷之出為同州刺史始至急吏緩民省事節用

歲收羨財千萬以補亡戶逋租其餘因弊制事贍上利下者甚

多二年改御史大夫浙東觀察使將去同同之者幼穉獨泣戀

如別慈父母遮道不可遏送詔使道集作呵麾鞭有見血者路

闕而後得行先是明州歲進海物其淡蚶非禮之味尤速壤課

其程日馳數百里公未越未下車趣奏罷自越抵京師郵夫獲

息肩者萬計道路歌舞之明年辨沃瘠察富貧二本作審

富貧二本

勞逸以定稅籍越人使之無流庸無逋賦又明年命吏課七郡

人冬築陂塘春貯雨水夏溉旱苗農人賴之無凶年二本無此三字

餓殍在越八載政成課高上知之就如禮部尚書降璽書尉論

以示旌寵又以尚書左丞徵還旋改戶部尚書鄂州二本節度

使在鄂三載其政如越大和五年七月二十二日遇暴疾一日

薨于位春秋五十三上聞之軫悼不視朝贈尚書左二本僕射

加贈賜二本贈焉前夫人京北常氏懿淑有聞無祿早世生一

女曰保子適校書郎常絢今夫人河東悲氏賢明知禮有輔佐

君子之勞封河東郡君生三女曰小迎未笄道衛道扶齧亂一

子曰道護三歲仲元司農少卿程二本積姪御史臺主簿某等銜

哀襄事裴夫人常氏長女稟諸孤等號護廡翼以六年七月十

二日祔塋於咸陽縣奉賢鄉洪讀原從先宅兆也公著文一百

卷題為元氏長慶集又集古今刑政之書三百卷號文粹類集

並行於代公凡為文無不臻極尤工詩在翰林時穆宗前後索

詩數百篇命左右諷詠宮中呼為元才子自六宮兩都八方至

南蠻東夷國皆寫傳之每一章一句出無脛而走疾於珠玉又

觀其述作編纂之旨豈止於文章力筆哉實有心在於安人治

集作活國致君堯舜致身伊臯耳抑天不與耶將人不幸耶予嘗

悲公始以直窮律人行而勤之則坎壈而不偶謫瘴鄉凡十年

髮班白而來歸次以權道濟世變而通之又齟齬而不安居相

位僅三月席不煖而罷去通介進退卒不獲心是以法理之用

止於修二本舉一職不布於庶官仁義之澤止於惠一方不周

於四海故公之心不足也逢時與不逢時同得位與不得位同

富貴與浮虛同何者時行而道不二本未行身遇而心不遇也執

及居易獨知其心以泣濡翰書銘於二本墓曰

嗚呼微之年過知命不謂之夭位兼宰相不謂之少然未康吾

民未盡吾道在公之心則為不惜哉嗚呼哉惜哉道廣而

俗隘時矣夫心長而運短命矣夫嗚呼微之已矣夫去聖之用

文苑英華卷第九百三十七

登仕郎胡柯上鄉貢進士彭叔夏校正

文苑英華卷第九百三十八

宰相三

丞相太子少師牛僧孺墓誌一首

東川節度使用堦墓誌一首

丞相太子少師奇章開國公贈太尉牛公墓

誌銘

唐佐四帝十九年宰相牛公諱僧孺字思黯八代祖弘以德行

儒學相隋氏封奇章郡公贈集作文安侯文安後四世諱風及

仕唐為中書門下侍郎修國史於公為高祖文安後五十集州

刺史贈給事中諱休克於公為曾祖集州生太常博士贈太尉

諱紹太尉生華州鄭縣尉贈太保諱幼聞太保生公孤始七歲

長安南下杜樊鄉東文安有隋氏賜田數頃書千卷尚存公年

十五依以為學不出一室數年業就名聲入都中故丞相常公  
 執誼以聰明氣勢急於擢拔如柳宗元劉禹錫輩以文學秀少  
 皆在門下常公丞命柳劉於樊鄉訪公曰願得一相見公乘驢  
 至門常公曰是矣東京李元禮為後進師隋奇章公仁德祿位  
 二者包而有之登進士上弟元和四年應賢良直諫制數強臣  
 不奉法憂天子熾於武功詔下第一授伊闕尉以直被毀周歲  
 凡十府奏取不下伊闕蒲歲邾公士美以昭義軍書記辟凡三  
 上請詔除河南尉拜監察御史丁母夫人憂制終復拜監察御  
 史轉殿中侍御史遷禮部員外郎都官員外郎兼侍御史知雜  
 事改考功員外郎集賢殿直集本無粹學士庫部郎中知制誥  
 賜五品命服半歲遷御中丞宿州刺史李直臣以贓數萬敗穆  
 宗聽二本偏詞於中稱直臣寃且言有才宰相言格不用公以

具獄奏上曰直臣有才可惜公曰彼不才者無飽食以足妻子  
 安足慮本設法令所以縛束有才者祿山朱泚是才過人而亂  
 天下上因可其二本無此字奏曰善賜章服金紫遷戶部侍郎掌財  
 賦事上益親重欲相之會中書令韓弘男公武謀曰大人守大  
 梁二十年齊蔡誅後始來朝今不以財援中外設有飛一司者  
 誰以二本保白公武賈弘書獻公錢千萬公笑曰此何名為公  
 丞持去明年弘公武繼卒主贓奴與吏訟於御史府上憐弘大  
 臣父子併死雅孫將家事走中使至弟盡取財簿自閱視凡中  
 外主權多納弘貨獨朱勾細字曰某年日月送戶部牛侍郎錢  
 千萬不納上大倉以指歷簿遍視旁側曰果然吾不繆知人殿  
 上皆再拜呼萬歲尋以本官平章事明年正位中書侍郎加銀  
 青三品兼集賢殿大學士監修國史敬宗即位與武士收宴無

時徵天下道士言長生事公亟諫曰陛下不讀玄元皇帝五千言以清淨養生彼道士皆庸人徒誇欺虛荒豈足師法未一歲請退不許連四月日間以疾辭乃以鄂岳六州建節號武昌軍

命公為禮部尚書平章事為節度使公始至問民疾二本苦皆

曰城土踈惡歲輸篔簹竹為苦具姦吏旁緣主為侵取費與稅等

歲久前後政欲畫計策訖無所施公節除去冗長用公私錢陶

埶成文粹城凡五年乃就明年文宗即位就加吏部尚書明年

急徵拜兵部尚書平章事再二本拜中書侍郎弘文館大學士

鄭注怨宋丞相申錫造言挾漳王為大逆狀跡牢密上怒必殺

公曰人臣不過為宰相今申錫已宰相假使如所謀豈復欲過

宰相有他圖乎臣為中丞愛申錫忠良奏為御史申錫之心臣

敢以死保之上意解由是宋不死大和六年西戎再遣大臣摯

二本贊寶玉來韓禮部前時盡罷東嚮守兵用明臣附李太尉德

裕時殿劔南西川上言維州降今若寇文粹生羌三千人燒十

三橋擣戎復心可洗久耻是帝臯二十年至死恨不能致事下

尚書省百官聚議皆如劔南奏公獨曰西戎四南各萬里來責

曰何事失信養馬對茹川在平京上平京坂萬騎綬回中怨氣

直詞不三日至咸陽橋西南遠數千里雖得二本維州此時安

可用弃誠信有利無害疋夫不忍為况天子以誠信見責於夷

狄且有大患上曰然遂罷維州議大和六年檢校僕射平章事

淮南節度使經六年至開成二年連上章請休官詔益不許公

曰臣唯退罷可以行心夏五月以兵付監軍使拜疏訖就道除

檢校司空留守東都明年拜右二本僕射上恐公不起詔曰朕

此有疾良已思一面叙公不得已至關下一拜謝閉門不出明

年檢校司空平章事襄州節度使出都門賜黃昇尊龍杓凡六  
品名出周禮詔曰精金古器用以比况君子非無意也襄州七  
年饒假軍人入賦不均公至據地造籍免貧弱四千萬軍人豪  
強皆曰甘心不出一怨言明年武宗即位就加司徒會昌元年  
秋七月漢水溢堤入郭自漢陽王張東之一百五十載二本後  
水為最大李太尉德裕挾維州事曰修利不至罷為太子少保  
二本未幾檢校司徒兼太子太集作保明年以檢校官兼太子  
太傅留守東都劉稹以上儻叛誅死時李太尉專柄五年多逐  
賢士天下恨怨以公德全畏之言於武宗曰上黨扼二本左京  
控山東劉從諫父死擅之十年後來朝加宰相縱去不即二本無  
留之至積叛竭天下力乃能取此皆公與李宗閔宰相時事從  
諫以大和六年十二月十七日拜闕下公實以其月十九日節

度淮南明年正月從諫以宰相東還河南少尹呂述公惡其為  
人述與太尉書言稹破報至公出聲難恨上見述書復聞前縱  
從諫去疊二怒不一叅校自十月至十二月公凡三貶至循州  
員外長史天下人為公綏手咤罵公走萬里瘴海上二年恬泰  
若一無事今天子即位移衡州汝州刺二本長史遷太子少保少  
師凡四年復位大中二年十月十七日薨于東都城南別墅年  
六十九天子恫傷不朝兩日再集作贈太師二本天下善人執  
手相弔哭公忠厚仁怒莊重敬慎未嘗不以此八者自勉而終  
身益篤為宰相急于銓品凡名清官不忍持一資以假非其人  
以道德謨於天子每指古義為據有言機利克迫必音鈇利  
使之崔歿三大邦去荷碎條約除民二本無大患其輕巧吏欲  
賦公愛惡希嚮所為渾然終不能見故所至必大至衣冠草窮

出奉錢償其子女月與十歲與衣資送其死喪凡數百家李太尉志必殺公後南謫過汝州公厚供具哀其窮為解說海上與中州少異以勉安之不一言及前事鎮武昌時軍容使仇士良為監軍使公律禮以敬暑甚大合軍宴拱手至墓一不推扇蓋自儉克平居非公事不出內屏周三歲語言舉止率有常度仇軍容開成未首議立武宗權力震天下每言至公必合手加額二本曰清德可伏二本人但過惓官財與人無一毫恩力二本耳不肯引譽不敢恣毀淡居其中公始自河南薦鄉貢士為郎官考吏部科目選三開幕府中丞宰相外凡取六十餘人上至將相次布臺閣皆當時名士每暇日譙察吏必言古人修身行事旁誘曲指微警教之不以已長人所不及裁量高下以生重輕後進歸之承望聲光得一言許可必自矜重夫人辛

氏以公封張掖郡贈僕射秘之長女士林稱為婦師凡三十

年前公八年歿五男六女長曰對監察御史次曰叢沂東諸本並

府協律郎皆以文行登進士弟不籍公勢次曰奉倩河南府洛

陽尉二人皆稚齒長女嫁戶部郎中上黨苗愔次女嫁河中節

度副使檢校郎中范陽張洙次女嫁河南府士曹集賢校理常

山張希復次女嫁前進士鄧淑次女朱笄一人始數歲以某年

月日塋火陵南某鄉某里銘曰四幽以燭明曠以

道既訛衰必有以扶厥公之生以隆其汗二本作滂

雨濡以教其徒以佐天子滅絕霸駁如有樞柅標揭文粹作謁峙倚

巍乎二紀臣宗德老鉅傑魁曩孰為忌畏譖去南海不校不辨

旋文粹復顯大百行渾圓隣於及年以歸其全事東川節度使檢校右僕射兼御史大夫贈司徒



周公墓誌銘

前人

周平王次子烈封汝墳侯秦以汝墳爲汝南郡侯之孫因家焉  
遂姓周氏自烈十八世至西漢周仁繼烈封侯其後逃西晉亂  
南去黃岡靈起仕梁爲桂州刺史生冕在陳爲車騎將軍冕生  
法明年二一命爲巴州刺史陳滅臣隋爲趙之真定令隋亂歸  
黃岡起兵取蕪安沔黃武德中籍四州地請命授摠管蕪安十  
六州軍事光祿大夫封國於道太宗命虞世南銘書墓碑相國  
爲代六孫曾祖憚汝州梁縣令祖沛左拾遺王一作考題右驍  
衛兵曹叅軍贈禮部侍郎公少孤奉養母夫人以考聞舉進士  
登第始試祕書正字湖南圍練巡官母夫人亡哭泣無時里人  
過公廬曰無驚周孝子後自留守府監察真拜御史集賢殿學  
士李公宗閔以宰相鎮漢中辟公爲殿中侍御史行軍司馬後

一年復以殿中書職徵歸時太和末注訓用事夏六月始逐丞  
相閔宗立朋黨語鈞桂名人凡百日逐朝士三十三輩天下悼  
懾以自受意附兇者屢以公爲言注訓曰如去周殿中恐人益  
驚竟不敢意注訓取公爲起居舍人文宗復二史故事公濡筆  
立石螭不丞相退必召語旁側窺帝每數十顧遷考功負外郎  
帝曰周某不可不見宜兼前官數月以考功掌言謝曰帝曰就  
是翰林公辭讓堅懇帝正色以手三麾之遂兼學士遷職方郎  
中中書舍人正事細大必被顧問公終身不言事故傳武宗即  
位以疾辭出爲工部侍郎華州刺史八禁軍二十四內司居華  
下諸集作籍役等百姓不敢妄出一詞李太尉德裕伺公纖失  
四年不得知愈治不可蓋抑遷公江西觀察使兼御史大夫公  
旣得八州施展教令申明約束發虔守陳弇賊坐弇以法死吏

手膠拳窮鄉遠井如公在旁縛出洞寇劉大朴從數百人斲發  
根脉無有遺失彭蠡東口戎五百人上下千里無一賊跡遷禮  
部尚書鄭滑節度使老將其項領不如教約公鞭笞降為下卒  
聲北入魏昏曰周尚書文儒能治百姓仁愛岳士而復敢爾是  
豈可一集無犯九一作歲入拜兵部侍郎度支兼戶部東集作  
曹事積邊糧穀九十萬石今天子即位二年五月以本官平章  
事後一月正位中書侍郎監修國史就加刑部尚書因河湟事  
議不合旨以檢校刑部尚書出為劍南東川節度使明日入謝  
面加檢校石僕射公自舉進士弟非其人不交一集無言旁睨  
俊進鑄心鏤志及為將相進取遠挽悉置于位李太尉德裕會  
昌中以恩換元和朝實錄四十篇溢美其父吉甫為相事公上  
言曰人君惟不改一作觀一作史人臣可改乎元和實錄皆當時名事

目書事實今而信不信德裕後三十年自名父功衆所不知者  
而書之此若雷後誰信史意廢新本并帥王宰剗所部財貨承  
事貴倖自請來朝聲言我取平章事鎮大梁公上言曰宰破太  
原取汴州不知天下治所凡機得如太原汴之大者可飽宰欲  
乞宰還鎮自補其殘後二日還宰詔下駙馬都尉常讓求為京  
兆君公言曰尸坐堂上階下拜二赤縣令屬官將百人悉可答  
辱非有德者京兆不可為豈止取吏事讓議竟寢自此非道求  
進者鼠循屏及鎮東蜀一歲欲歸閑洛師惟得風恙公曰我今  
去是以疾去疾愈去非晚大中五年歲在辛未二月十七日薨  
于位享年五十九訃至廢朝三日冊贈司徒命諫議大夫盧懿  
弔恤其家公信於朋友公於為官事嫠婦出告返面家事不敢  
自專同曾祖兄弟入門呵咎奴婢衣服飲食無二等免相位西

去送還者雖武將散秩嘆惜咨嗟曰周相公無私我惜其去

一作存日無我私惜其去豈有私乎夫人義與蔣氏先公某年終生二男

一女嫁起居舍人薛蒙大中六年歲次壬申二月十二日歸葬先

塋河南府河南縣穀陽鄉立行里銘曰 姬之支封國自為姓

以周為氏入唐不盛烈後幾世厥生賢孫當唐中興為唐相臣

文思天子誇古為治提起王道以公為倚遠剛音蹊隙竅去者鳥

駛誰塞誰棘勞公碎指三屏大邦駿壯武事甫撫維集作父

毋赤子曰將曰相公其愧幾指古為比公其無愧以公遺去唐

而後公死不錫壽考誰其辯之 此篇元在九百三十九卷職官門今移于此

文苑英華卷第九百三十八

登仕郎胡 柯 鄉貢進士彭 叔夏 校正

文苑英華卷第九百三十九 誌五

職官一

安南副都護畢公墓誌一首

副建觀察使鄭叔則墓誌一首

陝號觀察使盧岳墓誌一首

嶺南節度使徐申墓誌一首

安南都護張公墓誌一首

宣州觀察使常溫墓誌一首

安南副都護畢公墓誌一首

張九齡

公諱某字某東平人四世祖義雲比齊度支郎中青州刺史曾

祖琰貞觀初并州白馬府右果毅都尉左集作衛即將祖又蒲

州河東令坐事左轉柱州歸義縣丞因家于始安集作父誠舉

孝廉高尚不仕公即孝廉府君之子稟靈純茂姿性開朗亦既志學休有令聞雖在諸生之中已有萬理集作之望矣夫其忠有世善有元仁於其親友于兄弟豈尚行所至其因心而然公之植身根萌素厚操木制末何適非宜故為政之方所從來遠矣某年初有御史將命黜陟幽明公時盤栢居直未有攸往而使者承式固才是求褐衣見召直繩斯委乃表公授梧州錄事叅軍非其好也先是剽劫在境行李所病網佐無幾逋盜肅然歲滿換廣州浚陽令事必簡舉人用安集作便莫不咨嗟未始見也尋轉詔州司馬其政如初秩滿丁母集作憂公有至性幾于毀滅廬墓展哀泣血扶病有加一等不雅三年嶺南按察使廣州都督兼御史大夫蕭璿彼孝悌之士也以錫類之故有嘉德音於是版一作補按察判官義行相成終始如一尤加欽重

特以表聞勅授集作新州刺史屬恩州酋帥日尋干戈將有式過

寔資真允後按察使廣平郡公宋璟以公為五府總管以甲戌

卒焉雖臨之集無之同以兵威而開之以恩信俾忿鷙狼戾化

梟為人廣平公深以為能秦假恩州刺史俄又真授夷落大寧

尋加朝散大夫遷端州刺史居必致理莫匪嘉績并護之寄朝

選以歸於是加秩中散大夫拜安南副都護到官未幾間集作

忽遷殂時年六十某年月日庚子歸葬於某山原公內行無玷

外無不干文非務華學皆為己所莅數郡遺愛在人全已而歸

可謂厚矣有子曰某銜恤終天望哀遠日永惟稱伐存乎繼篆

銘曰

倚歟畢侯濬源長流受氏于畢愛自有周彼美世載寔惟孫謀賢詰繼軌斯其遠猶嗟彼懿宗是生孝友和實內積行非外誘

家邦必聞人倫歸厚微此令德夫豈善守亦既從政厥問載榮  
邑能訟息郡用禮成蠻夷慕教鳴梟變聲九真副領萬里揚旌  
護彼絕域義忘險艱緹律未改丹旌而還存沒之際忠孝之間  
徽音無泯篆德茲山

福建觀察使鄭公墓誌銘

穆負

唐貞元八年四月十六日福建團練觀察使福州刺史兼御史  
大夫鄭公薨于位明年孟夏己酉朔歸葬于東都萬安山之南  
原龜吉筮吉即于人謀且曰前望先君俾公之體魄列侍于後  
與茲山久還顧洛邑俾爾子孫盈如市朝生拜於斯沒會於斯  
公諱叔則字某滎陽人自元魏中書令周小司空金鄉文公穆  
凡五葉至皇朝遂州刺史老萊代以婚姻正一作德義俱為家  
法相授公則遂州之家子也未冠以明經擢弟凡五命至御史

府又再遷歷尚書省以屯田員外郎介吏部侍郎李卿觀風之

命議者懸李公出納稱職且多貢巖藪幽滯充于王庭繁公是

賴轉庫部相國縉受居東之寄又資公以畫拜檢校吏部員外

郎使罷而真凡吏部分天下疑拆無文之中去曰廢置中九流

之路坦多士之門曰南曹公酌其會通守以以貞固七考二職

日新厥聞丁繼母艱免服拜刑部郎中皇上即位思與四方萬

姓垂家至而日見之制歸遣八使必朝之良公為首冠清選分

命于西江閩越之地所至蠲疾所去遺利並命者取而法焉兩

河不開命帥梁汴具求欲穀之此為其中軍授檢校秘書少監

兼御史中丞充永平軍節度副使不之官拜御史中丞廉問東

夏俄領東都留守兼河南尹就加戶部侍郎仍再位副相之寵

持憲以清明律下牧人以禮讓和俗保釐以威重懷遠寇不敢

犯吏不忍欺扶危以安制動以靜罷鎮歸省轉尚書左丞未幾  
兼御史大夫撫淮夷反側之俗四牡莅止萬人革心如風之清  
如雨之滌復命遷太常卿國有大事主辦多儀加銀青光祿大  
夫轉京兆尹理行三載惟遭權臣植愆貶永州長史謫去之日  
京師鄠空巷隘車不得前怨咨之聲雷動天聽旋以非罪拜信  
州刺史居數月又有四嶽十二牧之摠方以和風清德移蠻貊  
之風何斯人之幸與上天之祐較彼炎瘴而不勝焉夫人范陽  
盧氏著作郎侑之女也望申比州德成公家不幸早世事具前  
誌生一子曰約河南府洛陽縣主簿後夫人范陽郡夫人盧氏  
華宗美行與前人如一加繁祉餘慶續公之榮生二男一女納  
前弘文生紳右千牛衛備身女未笄是日約前已月奉范陽夫  
人命舉前夫人拒會公之喪禮也公之為德也溫純深潤高厚

博達文以禮樂本于中和犯不違仁溫不傷善滔然如川澤無

不容之者及其秉操厲俗好是正直不畏非畏不疑可疑酷惡

春秋之左一作巫疾陰陽之拘忌寢然如斷山絕巘不可以邪

徑造焉嗚呼使公之得志也天下之人非法言不言非大道不

蹈此可以為天子大臣未絕疑遑數其餘哉是以壽七十有一

歷官二十有八政朝仰故事人懷遺德門列朱戟家垂清風而

遊公藩者猶以不期頤為嘆問神明焉約等以為哀報揚名莫

如紀述謂負昔備末吏嘗司斯文將期飾終何敢廢職銘曰

嗟我公居此室猗夫人會琴瑟萬安南山瑞氣浮洛陽北闕家

聲流夏千祀兮日悠悠

陝號觀察使盧公墓誌銘 前人

唐貞元四年夏六月陝號都防禦觀察轉運等使陝州長史兼

御史中丞范陽盧公壽六十中疾于位優詔得謝家東都履信里秋七月甲戌終于其寢冬十月乙酉歸于此堂禮也萬安之腹因山而封高立伊流環帶捧抱龜筮叶吉神宅是宜府君諱岳字周翰其先齊太公之後公子高奚食菜於盧因以命氏自東漢中郎植及元魏祕書監陽鳥弟四子都官尚書道虔凡十葉代代得祿其兄子思道所著家譜詳之道虔生齊左庶子昌衡昌衡生隋澤州內部長寶素生綿州長史安壽安壽生汝州司馬正紀正紀生絳州聞喜令抗惟是婚姻其類爲宜方相襲禮樂冠蓋侔其盛焉府君聞喜之弟二子也發地之祥鍾天之和處爲孝而友悌從之出爲忠而貞諒從之施於事物爲聰明純粹而寵位從之天寶末擢明經調宋州襄邑主簿歷婺州夔州二錄事參軍大大理評事兼監察御史始佐湖南觀察之

政前帥帝之晉倚之以清後帥辛京杲籍之以立旣真拜又稍遷殿中侍御史京杲入覲咨以留府時有驕將數人京杲實父子兄弟之其蹈罪姦令率以爲順府君告之以刑辟明之以無赦而群帥如故乃盡戮之由是軍政理而庶政舉初朝廷之任京杲也以恩舊用不責之以龔黃之績至是還之不可易之不能留之京師以盡府君之美若是者五載累錫銀印朱紱金章紫綬加侍御史建中初今上嗣位有自屬部謫官入爲相者謂公才膺方鎮受容府經略招計等使未一年黜陟使奏課爲五嶺之表轉柱府觀察經略等使就加御史中丞南越擴俗井稅之入鮮具其布帛之幅通流之貨悉意中土府君以美利利之王制制之又每歲有西原之警府君布政群盜爲人元年季春賦入貞元三年來朝拜少府監上以陝郊之宇藩垣二京冠冕

諸夏非沃心之臣勿授前此元臣授之是為邵伯今相國中書侍郎李公自

陝微

思嗣其事重難其選

府

君於是乎有由衷之拜惟事

小不敢不戒大不敢不懲日嚴祗恪惟新厥舊由是軍服其嚴明而報之以肅吏從其易簡而報之以理惜乎自下車及遘癘不十月焉嗚呼有其才無其時之歎不甚於有其時而無其命今之方鎮蓋唐虞四嶽十二牧之職而周漢肫股爪牙之任府君承先之咨庸舜之俞累分共理之憂方啓薄伐之效凌風拂翼徘徊於冥冥之間何天奪上心而命孤人望是可以為歎歎府君前娶隴西李氏實偃姜之偶先春早落今也力不及遠未遑合祔繼室以同宗同德而年位異之三子載戢戢一作長未童幼衰及禮泊兄子嘉猶稟伯父永州司馬嶠之命泣血襄事見託為銘曰

世重五姓冠于百族倬彼山川來宗嶽瀆帝慈蒸黎命分司牧慎選良臣俾之戩穀倚歟府君受天之祿未見其止如何不淑立隴何所郊原重復瑞氣嘉祥於是乎育前川為北地為谷世系德代于是乎獨

金紫光祿大夫檢校禮部尚書使持節都督廣州

諸軍事兼廣州刺史御史大夫充嶺南節度度支

營田觀察處置本管經略等使東海郡開國公贈

太子少保徐公墓誌銘

權德輿

公諱申字維降東海郡人五代祖周宣州刺史瓌瓌生隋江州

司馬宴宴生吉州太和丞仁澈李嗣撰徐申澈生皇吏部郎

中諫議大夫玄之生公烈考汾州司戶參軍贈信州刺史又大

凡自偃王而天下用仁義世其家諫議之文行信州之廉退及



公始太永泰初嘗疑著作賈常侍至操柄儀曹奉士林之菁華  
舉進士上第調補祕書正字四征翹車相屬於途望公舉趾以  
爲重九江而西服嶺而南與朔塞被邊之地聯爲命介歷大理  
評事司直監察御史太子司議郎殿中侍御史錫以章綬冀國  
路公之誅哥舒晁也公以從事主謀居多嗣曹王之守鍾陵而  
誅李希烈也公以長史行刺史事調州師以護饒道厥勞茂焉  
江漢既清拜韶州刺史先是長史不任職官曹弛廢刺史寓於  
理下邑之令丞與編人雜處比屋庸亡公田爲蕪公乃假之耕  
牛賦與種食人人自占視其力而爲之制歲乃善熟積爲倉箱  
於是計徒庸程力日作爲城寺大治垣屋廡置市列道橋器用  
皆備焉罷去之日夫家名數倍差於始至而不書于籍邑子張  
捷等五百人獻其理狀得請於觀察府以丞奏書請立碑祠公

瞿然止之曰此刺史職耳一旦上聞與沽代者何異所不忍爲  
也府不能奪改合州刺史以先獲陽郡太夫人兆域未祔表求  
改葬總麻旣除以御史丞領景州刺史自貞興四十年山東諸  
侯率強大驕蹇郡二千石多自命於轅門蓋縣官息人含垢  
而因緣漸漬然也至是朝廷以滄州負海勁兵攸處乃建節至  
幕庭裂屬城以置友郡會其帥亦請勤守於朝朝論難之二府  
北推擇未稱因召公入見而面焉錫命服文馬紙錢五百集作十  
萬尋加節度副使中朝之條職憲令始被于景人是歲節度使  
來朝暨從父兄爲代表公以本官爲軍司馬陳情去職徵還京  
師復以御史中丞出莅邕州領經略之任開南蠻徼道宣明威  
信種人黃氏納質請命化條風行獷俗以請明年中責人持兵  
符詔書至部以御史大夫督南海二十一州軍事而節制焉前

此守臣物故軍吏乘變竊發印符易置部校拔用惡少年百輩  
軍中幾亂相率亡命公既至捕誅自惡悉原誥諸誤者夷越負  
險阻白晝攻剽芟夷根株使無遺類然後布以寬大人安作業  
溟漲之外巨商萬艦通犀南金充扃捍至天子之恩澤賜予聲  
物明乎皆侍馬上應急宣以馳疾傳下無強賈用絕姦利和輯  
招徠外區懷之則四封之內其理可知也朝典疇痛進階至銀  
青光祿大夫時痛蜀未靖公密疏請廢卒徒五千循伏波故道  
爨蠻抵岷峨以會師期誅不恪詔可其奏就加禮部尚書秩正  
三品疏封東海命書未及至奄捐館舍遂以天子少保印綬示  
祠稱焉是歲改元元和公之生七十年矣嗚呼以文發身以智  
經物惠和直溫忠恪廉清佐賢候長轂皆有理效在韶也興事  
功在景也脩班制即寧察風俗古海整師律以八命居六官攸

好德考終命其蹈履之全乎夫人教海高氏早歿繼夫人扶風  
郡夫人竇氏柔明有賢行嗣子右衛倉曹元粥似續文敏號兆  
毀慕以某月日寧神于東都偃師縣之某原乃刻堅石以傳永  
久銘曰噫徐公有質有文有義有仁名聲章明邁群倫兮意  
徐公不忤不求不緇不磷贊佐四征暢嘉聞兮公之牧人  
于韶于景于邕于廣朱轡照路利攸往兮公之愛人以清以靜  
以惠以養流庸集附如影響兮如何不傭奄忽鞠凶著龜之同  
天之中吁嗟呼徐公

中散大夫檢校國子祭酒兼安南都護御

史中丞充安南本管經略招討處置使

上柱國武城縣開國男食邑三百戶張公墓

誌銘

柳宗元

漢光中興馬授椎絕域之志晉武一統陶璜布殊俗之恩理隨  
德成與時並今皇帝載新景命丕冒海隅時惟張公祇復厥績  
交趾之理繼蜀本于前人公諱字某某郡人也曾祖彥師朝散  
大夫尚書駕部郎中祖瑾懷州武德縣令考情朝議郎試大理  
寺丞贈右贊善大夫咸有懿美積為餘慶公以忠肅循其中以  
文術昭于外推經旨以飾吏事本法理以平人心始命蘄州蘄  
春主簿勾會敏給厥聲顯揚仍以左領軍衛兵曹為安南經略  
巡官申固扞衛有聞彰徹轉金吾衛判官三歷御史續用弘大  
揚于夫庭加檢校尚書禮部員外郎換山南東道節度判官復  
轉郎中為安南副都護賜紫金魚袋充經略副使遷檢校太子  
右庶子兼安南都護御史中丞充本管經略詔討處置等使公  
自為吏習于海邦凡其比較勤勞利澤長久去之則夷獠稱亂

復至而冠攘順化及受命再任

集作事征得陳善暮誓拔禍本約集作納

於夷軌乃命一其貢奉其歛施牧人盡區處之方制國備刑體

之法道阻而通百貨地偏而具五人儲峙委積師旅無虞及之

呼繕完板幹控帶兼戎已之位文軍環王怙力背義公於是陸

聯長轂海合艤艫

兩集作再舉而克殄其徒廓地數圻以歸于

我理烏蠻首

集作首帥負險義德公於是外申皇威旁達明信一

動而悉朝其長取州三

集作二十以被於華風易安卉集作非以冠

帶化姦宄為誠敬皆用周禮率由漢儀公患浮海之役可濟可

覆而無所恃乃剗連鳥以闢坦途鬼工來并人力罕用沃日之

大東成通遘磨膏之阻誓

一作非為高岸而終古蒙利公患疆場

之制一彼一此而不可常乃復銅柱為正制鼓鑄既施積集作精

堅是立固圉之下明若白黑易野之宇險逾立陵而萬世無虞

奇琛良貨溢于王府殊俗異類盈于藁街優詔累旌其忠能良集作

良集作史嗣書其功烈就加國子祭酒封武城男食邑三百戶

允再策勲至上柱國三增秩至中散大夫某年月薨于位年若

干天子震悼傷辭有加明年某孤某官與宗仁集作號奉蒙惟

率其家老咨于叔父延唐令某卜宅于澤集作州某厚塋用某

月某日人謀皆從龜兆襲吉乃刻茲石著公之闕以至集作于

立寘以告于幽明銘曰

周隈荆衡秦開百粵交州之治炎劉是設德大來服道消自絕

伏波南征漢威載烈宛陵北府集作晉政爰發我唐流澤光于

有截皇帝中興武城援鉞肅肅武城惟夫之哲更歷毗贊顯揚

彰徹既受休命秉茲峻節度其謀猷守以廉潔厚農薄征匪豹

匪傑通適物平集作有來胥悅踐山跨海堅其鶴列制器足矣

潰茲蟻結鳥蠻屈服文單翦滅柔遠開疆會朝天闕銅柱乃復

環山以哲一作海無遘逆寇周踰越琛賁之獻周于窮髮帝嘉

成德載旌茂闕增秩策勲土封斯裂位厄元侯年虧大耋邦

人號呼夷裔悽咽卜葬長沙連罔啓宥書銘薦辭德音罔缺

宣州觀察使御史大夫常公墓誌銘 杜牧

常公會昌五年五月頭始生瘡召子壻張復魯曰三稚女得良

壻死以是託墓宜以池州刺史杜牧為誌復魯曰公去歲兩瘡

生頭今始一尚微和言之深公曰吾年二十九官授祕二字集

書即時嘗夢涉澹水既中流有二人若舉符召我者其一人曰

墳墓至大萬日始成今未也今萬日矣已天告我我其可逃乎

謝醫不問以其月十四日年五十八薨于位公從父弟某書公

功行以公命來命牧牧位哭序且銘之公韓溫字弘育常氏自

殷周秦漢立明馬遷班固筆爭書其人以光其所為書至後周  
道遙公免出世家富貴集作富貴中隱身行道當其時及後代論者

以蜀嚴正谷口不能為此道遙公五世生路州上黨尉贈諫議  
大夫布元上黨生吏部侍郎贈太尉肇吏部生右補闕翰林學

士右散騎常侍致仕贈司空綏常侍生公於道遙公為九代孫  
年十一以明經取弟為太常寺奉禮部秘書省校書郎選判入

等咸陽尉監察御史公曰是官豈奉養所宜耶上疏乞免改著  
作佐郎當貞元中常侍公事德宗為翰林學士帝深於文學明

察人間細微事有密切多委之歲久憂畏病心帝曰某之心我  
其盡之以致仕官屏居西集作西郊公蚤夜侍側溫清飲食迎情

解意一經心手積二十餘年丁常侍喪自毀不欲生後相國李  
公逢古以相印鎮武昌皆虛上職書早辭至門公起赴武昌命

集無命字未至府拜監察御史遷左補闕事文宗皇帝時宰相百吏

頤條帝功德宣號二獻公獨再疏曰今蜀之東川川盜殺萬家  
京師雪積五尺老幼集作稚多凍死起崇虛名報上帝時耶帝乃

止遂訖十五年不答尊號事改侍御史尚書禮部考功員外郎  
當大和九年文宗思拔用德行超出者以警集作新慥音義亦天

下故公自考功不數月拜諫議大夫召為翰林學士遂欲相之  
公立銀臺外門下拜送疏入且集無且字且道先常侍遺誠子孫不

令任密職言懇志決因命掌言舍人閣下公復堅讓不半歲轉  
太常少卿一歲遷給事中皇太子侍讀公復陳先誠以侍讀辭

自宰相皆曰帝以一子請教於公是宜避耶公不聽凡拜三章  
帝終不能奪靈武節度使王宴平罷靈武以戰馬四百疋兵器

數萬事去罪成貶康州司戶不旬日改撫州司馬先韶院樂官

尉遲璋以樂官授光州長史宴平以財膠貴倖璋大有寵於上  
公皆封詔書上還上比諭之公持益急竟以康州還宴平璋免  
長史莊恪太子得罪上召東西省御史中丞即官於內殿悉疏  
莊恪過惡欲立廢之曰是宜為天子乎群公低首唯唯公獨進  
曰陛下唯一子不教陷之至是太子豈獨過乎上意稍平不數  
日遷尚書右丞朱衣魚章遷兵部侍郎丞請丞相願為治人為  
陝州方禦觀察集無此二字使兼御史大夫服章金紫回鶴窺邊劉  
植繼以上黨叛東徵天下兵部出禁兵陝當其衝公撫民供事  
就不兩告若入為吏部侍郎典一冬選老吏無所責復以御史  
大夫出為宣歙池等州觀察使賦多口衆最於江南公急惡寬  
窮益自儉若刑律其俗凡周一歲無所更改自至大治公又不  
戲弄冠為老成人解褐得官超出群衆中人不敢旁發戲嫚及

為公卿在朝廷省閣中大臣見公若臨絕壑先忖度語言舉止  
然後出發其所執持不可者筆以洛紙言以出口雖天子宰相  
知不能奪俯季遂之不以德行尚人人自敬畏不施要結於人  
人自親慕後進凡持節業自許者獲公一言矜奮刻削益自貴  
重官畢家貧特主將家事在私閫內高曾兄弟鐫琢訓集作誘教  
嫁娶衣食無有二等疾甚將終悉召親屬賓吏稱先常侍詩句  
云在室愧屋漏因曰今知歿身不負斯誠遂涕下不禁當夫子  
世得七十子國小俗儉復有聖人為之師使生於今與公相後  
先必有能品之者夫人隴西李氏贊善大夫從心籍之女先公  
四歲終生集無此字四男長曰確前國子監四門助教次曰璆前明  
經次曰瓌次未免乳女子集無此字四人長嫁南陽張復魯復魯得  
進士弟有名於時為試太常寺協律郎鄂岳觀察使使其下皆

稚齒相次銘曰  
得則至矣位其充乎如其充多可大厥功以施生人天先告之萬日之期天實為之

文苑英華卷第九百三十九

登仕郎胡柯鄉貢進士彭言叔夏校正

文苑英華卷第九百四十一

職官

右庶子元府君懷景墓誌一首

太子少傅李嵩墓誌一首

太子少師崔景暉墓誌一首

右庶子贈幽州都督元府君墓誌銘張銳

維開元十年正月己未右庶子武陵公河南元公墓於東京留

守之內館公諱懷景

軍冑之孫贈麟州刺史仁惠之季子昔天啓水行君臨寰

海雄圖張發本枝碩茂濟美象賢流慶不滅

社誕膺淑靈幼有純至之節長立公直之操學綜羣藝詞標精

微夫其結言以信導物以德清儉足以直俗貞厲足以矯邪故

美暢於終名揚於外弱齡集作以國子進士高第補相王府典

籤藩耶擇賢妙盡時選尋以內憂去職重補相王府參軍及明

雨升儲作貞萬國以宮臣除太子通事舍人後歷官至右司負

外太子舍人集無此二字天授中以親累除名向逾一紀後直除羅

温縣二令雖太位未享通材必大集作初自太府主簿累入副

卿河南掾曹克升並尹握蘭右轄網紀南宮秉慈憲簡肅彼專

席再侍儲華卒踐宮相公執心好直履法斷恩觸雷霆而除惡

不避也枉絲法而于譽惡不為也升降兩宮出入三代克慎其

始終厥有成君子以為難允哉其難矣及啓手歸全遺言薄喪

家無長物土伏其清年過縣輿人傷其天嗚呼哀哉制贈都督

幽州諸軍事幽州刺史贈悼之節憂於恒教明年二月歸葬于

咸陽之舊塋夫人常氏祔焉禮也夫即逍遙公敬遠之玄孫左

常侍希仲之叔姊集作姊淑行無徵華年早世其孤彥冲等克遵

遺訓靡所寘哀說情睦外姻懷深國士既闕西借之奠遠投東

武之詞銘曰

卓彼英運靈既長貽訓夫體微知章在藝斯博於欲則少徒文

其中莫飾其表惟靜惟默不激不矯時經三代宮成兩宮化若

風偃德如澤融邦稱其直朝喪其忠禮祔周兆墳瞻漢宮哀哀

純孝長訴昊穹

太僕卿上柱國華容縣南王府君墓誌銘

公諱某字某瑯琊臨沂人蓋王氏所由遠矣然其自漢至今上

下千載海沂為頌始壯厥奠惟水作禎克昌其後繼跡貽家聯

華牧伯君子躋其立言史官襄其行事則已世無遠德人以嘉



侯高祖某陳度之尚書曾祖某太子中書舍人祖某皇朝吏部

郎史贈潤州刺史父母官至洪州都督公踐修軌集作業雅有

名器惟開敏而達於從事才果斷而長於御下至於學以知古

義以隨時虛已存誠離經合道異焉而不傷於物同焉而不害

於正咸自得之務其大者儀鳳中初一門子選為孝敬皇帝挽

即解巾相王府參軍換豫王府參軍歷太子通事舍人蒲州司

法參軍丁洪州府君憂去職喪與於戚行過於禮時其在疚哀

能感隣服闋授相州鄴縣令施於政也揮扞鏌之鋒截無不斷

展駢騶之足行無不至以故言出有孚豈上於百里教行無教

俄決於四封邑人是宜輿頌乃作御史中丞張仁愿表公允異

帝用嘉焉遷洛州陸渾縣令加朝散大夫寵其能也再有仲由

之善益聞孝父之恭薄理戎畿有加於鄴識者觀政許其所後

圖時輦推多驗之於晚節稍遷蒲州司馬洛州長史蒲州長史

三為郡佐一以貫之執心有恒厥聲以茂雖已祗之體素顧和

之理識異代同官齊名比義固無愧也俄遷隨州刺史趙簡始

大外於諸侯張敞有名擢為刺史賢名蜀斷政教弘宣始為集作

漢東之美繼以巴中之異郡歷數四課常第一再遷集作遂錦

二州刺史先是俗苦利集作弊人盡流庸公亦來思撫之如子

彼得攸堅歸之如市行有餘力用不盡財驟遷大都督乃拜相

州刺史先是景雲歲我唐雖舊儀制惟新置連率之官贈監都

之秩於是歷選列選專其用賢且有後命而公為稱首遂作越

州都督同京官正三品連率察統抗發衢睦温括集作台閩八

州長史集作已上率由部按事雖竟寢儀者終榮仍守越州都

叔加銀青光祿大夫公素有行業集作兼之寵數問望而草風

必偃至止而蓬麻自直與夫任賢坐嘯勞心行部必有因而致死此我無為而已然政之行焉有若神者徵拜雍州司馬傾之又正名為京兆少尹京兆者本公之樂土居以重世買臣還郡無矜於出綬張旣本州是用於衣繡公雖作貳戎亦為光開元二年始封華容縣男昭有德也其明年有制以公檢校大僕卿訓以六駟正于君疑僕日加數焉之慎歲有展幹之勤無即真可謂貴矣然公思報所受愈勵所行神明未衰志業不究春秋六十有一開元六年秋八月乙亥寢疾薨于洛陽之陶化里第嗚呼哀哉朝廷傷為賻贈以禮夫人范陽盧氏不享偕老先時在殯其年冬十月乙酉合葬于偃師之其原却倚首陽前瞻洛汭豈伊瑕矣之樂蓋取刑山之兆有子曰昊次曰昊泣血苦塊哀纏於遠日勤金石義協於當時假以斯文為之實祿其詞曰

有周之裔居海之沂緒業惟永德音罔遠貽厥謀翼俾其翰飛宜哉世祀亦曰家肥其一洎我華容而今濟美四科冉季九能曾集作魯非史學非為人義如在已施於有政轡之柔矣其二雉馴宰邑鷹揚佐郡五為刺學在邦必訓再遷太僕厥庸迺舊今也則無天下可問其三神欺永年禮先遠日合如防墓開比勝室鶴茅人悲龜言地吉篆石泉戶與山相畢其四

太子少傅李公墓誌銘

孫述

唐之宗盟有若武都公者諱暉武昭王亦名暉字某太原景

皇之穆也淮安靖王之胤也姓族本系存乎帝籍王之子曰號

州刺史為某魏州之子曰鄭生州公世載明德實維邦翰昔我

高祖之造區夏也則淮安王探甲胄誅暴強以佐經論之業洎

我皇帝之垂衣裳也則武都公秉衡石專儲貳以弘邕熙之化

允武允文同心同德本枝百世不亦宜哉公應大賢之期含正  
氣之秀若而孤藐克自激揚六射五六包禮樂之羣藝九流三  
變探古今之至蹟生八年而當天授革命之事宗室懼禍至乃  
不全艱貞保身以免於難久視之後密網少寬公以大夫人在  
堂無底祿之養願辱身以報德堂養高而徇名解褐授荊州枝  
江縣丞維此之故也為賈尚幼薛宣有能深為州牧張漢陽所  
器重嘗謂所親曰唐宗一日二字一作室千里吾見其人國未可量  
也神龍興復拜通事舍人其後歷尚書工部司勳負外郎屯田  
郎中太僕為尉太常三少卿汝汴二州刺史兵部黃門二侍郎  
太原尹太常卿工部尚書東都留守兵部吏部尚書太子少傅  
自枝江至于少傅凡十有九遷人臣寵秩備更之矣先是國朝  
舊制不以宗親任權開元以來內舉無避唯善所親擢拜右職

公為首也公體正心直色莊言嚴明而可畏寬而能服故所莅  
之職必姦邪表止禮義興行國人宜之有由然也曩膺列宿迨  
亞象河當官而行既立名跡及夫典汝墳之國為夏卿之貳天  
下歸最朝廷讓能寵光大來公望首出天黃門君之樞也公執  
事舉直以替其否太原邦之扞也公戒私寬賦克壯其猷六官  
之長是為人樞三命益公遂掌邦理綜覈流品終始七年凡所  
作法皆成故事其賞能拔異真彼周行者可勝既乎上難其人  
公是以久而深煩職事累請歸閑留侯有疾猶傳太子尼父不  
慙終萎哲人以開元二十八年五月十日薨于位春秋五十有  
八壽不配德皇慈震悼追贈益州大都督親親尊賢為禮也其  
年十二月七日葬于河南縣九嶺山之南原惟公以文學政事  
之才贍祗庸孝友之德親友立身之顯何止能養執喪有過人

之戚匪惟率禮公兄曰昇弟曰暈兄愛弟敬夫和妻柔閨門之  
間內外以正均養猶子不殊所生豈引而進之乃因心則至公  
之爲居守也暈寢疾私第况瘡彌年公損膳絕葷消刑瘁色及  
病革之際冒禁而歸終以爲職守管籥不敢久留次長號撫觀  
雨泣還臺至性傷人酸感行路昇之喪公也哀亦如之死喪孔  
懷其在是矣所謂曾閔生九宗之地邢茅爲萬石之門蓋本乎  
國風而爲世範者嗣子造等八人無改於道聿修厥德永爲罔  
極非所寘懷以逃葦忝使臣之介且爲豕卿屬久承話言猥託  
銘誌文仲事君之教何曰一作敢忘鮑叔知我之恩曷其能報  
徒竭心於所事終有恨於斯文其詞曰  
高陽之族才子克生禮樂爲憲親賢是臣六官九重折父天卿  
二柄皆執理均政平汲直多病留侯強起尚傳重明俄驚閣水

泣盡遺愛感深知已德下泉庶通神理

太子舍人王公墓誌銘

前人

公諱無競字仲烈其先瑯琊人也因官遂居東萊自宋大尉弘  
至棣州司馬侶十一世世濟其美不墮其名公即棣州府君之  
次子也克廣前列於昭令聞翩翩海瀕焜耀京國夫又用三德  
正直居首子有四教文行文先公蔚其文高其行據於直國於  
正生而知之實稟其性弱冠以應制擢第解褐授趙州欒城縣  
尉歷麟臺正自轉右衛倉曹洛陽縣尉監察御史殿中侍御史  
太子舍人神龍初坐以葦詆權幸之於嶺外終於廣州春秋五  
十四工文則學必從之故登麟臺侍龍棲也好直則威必濟之  
故吏京邑秉天憲也行高則衆必疵之故陷非罪謫殊方也噫  
爲順君子能爲道而不能爲容士師黜宣尼困屈

原遂賈生憤公其近之矣初天冊忠公與故人謂魏州牧獨孤  
莊書忿林胡之猖狂妄冀防之院墜誠以軍志士之死所各有  
爲其書者則天見而異之有制召見驟膺寵渥相如之賦感人  
主未云來也迺者恩澤侯張昌宗位極大官寵震羣后公著書  
東觀與之聯事贈是駘籍未嘗樞執色莊見憚象恭益深長孺  
之抗禮將軍曷足義也公嘗執簡中禁司察位班時三事大夫  
有族談錯立者公進而言曰朝有著定所以道威儀邦之具瞻  
所以昭軌物不尊不恭不敬不從其可是耶則肅然就列次矣  
公之舉劾大臣庸可異也嗚呼人各有能且猶不朽公則具舉  
其誰與京公生於齊長於魏不忘吾黨帝操土風嗣子某處卜  
遠日奉成先志以開元十六年某月某日徙殯於館陶歸葬于  
東萊之舊塋書頌也夫人范陽盧氏附馬從周也窈窕之事可

無紀乎詞曰

萬靈秀百夫特萬卷積多才克詩可興筆餘力人之望邦之直  
何不人俾大棘直炎厲哀明德卜佳城字舊國銘景行永無極

太子少師崔公墓誌銘

李華

聖唐宗祖重光丕變萬國玄宗肅宗今止三品繼明格于上下  
其輔弼之臣曰趙公奉先少師之訓有大功於王室少師諱璟  
暄字某清河東武城人也惟成於姜水氏曰有呂德莫厚乎粒  
蒸人大庭之烈也勲莫盛乎除暴虎之父之明也讓莫大乎推  
社稷季子之高也丁公之元子曰季克讓乞歸老於崔氏宜乎  
其盛也八代祖元孫宋度支郎中以忠順烈見危致命夫人携  
二字亮敬默依夫人之黨捷志霸孤之中安危窘之際亮即公  
七代祖也八爲尚書一爲僕射孫肇官至中書侍郎元子比齊

安州惣管府掾諱道淹公之曾祖也生萬年主簿臨洛今諱方  
騫公之大父也生武功主簿贈吏部尚書諱貞固公之考也即  
中殉王侍僕射利生人中書之名望安州之道德臨洛之愛人  
武功之體道荀淑以盛德及子陳寔以素風及孫誠哉吾聞其  
語矣今見其人也公孫抱太夫人終童幼武功府君遊根於至  
性毀過乎哀鄉黨隣之皆曰純孝旣除喪外從禮訓內積憂慕  
啜菽飲水勵志讀書誦無遺文釋無遁義皆一覽也年十七與  
親兄暉同舉明經調補梁州南鄭尉轉蜀州晉元尉前後使臣  
表公第一遷大理評事親累貶利州葭萌丞歷梓州鹽亭丞樂  
天和命貞獨自晦君子哉改晉州司法參軍政尤一道刺史接  
察使皆以上聞充河東友使畢尚書構為連帥也假公判官仁  
者悅不仁者懼邁厲終於官舍春秋四十權厝於邛山玄元廟

西北原職與不職固不相弔時人之安放後人之不幸榮陽夫

人鄭氏皇兵部郎中衛州長史玄昇之女吏部侍郎平章事情

之妹終於京兆崇賢里權殯於長安東南度陵原夫人韜佩紛

綵禮記內則婦事舅姑佩紛悅金燧以寧顏色澄墓酒以奉蒸葷輔佐君子黔

數之室也撫導賢胤孟軻之母也內訓傾謝婦義無師嗚呼哀

哉大歷四年龜筮從吉嗣子圖尚書右僕射趙國公哀奉先少

師夫人之裳惟合祔於河南北邛山某原禮也趙公初為益州

刺史屬逆羯內向天下兵起至尊出長安避狄未有岐下之都

因表奉上迎保寧上德遷為中書令翼大明復天下肅宗申養

玄宗申慈趙公之宣力也事今上鎮揚州為吏部尚書左僕射

崔氏之門公書善哉洪河在北清洛在南二室之下邛原高起

是地也是宜君子幽宅寧於斯永保子孫昌於斯其文曰

翼翼孝嗣銜哀不言祇感永思常試討論齊為霸國鄭旬姬姜  
協德貽慶後昆在昔貞烈有魏嶼播遷建都公將南轅造舟人  
便開漕利源宜有合撤中書玉振安州營道臨洛體順尚書徐  
光公以德鎮既餘典刑亦清維晉天下我遺時將疇師夫人之  
德柔善有則鼓鍾于宮闈于四國從夫訓子天下是式不及劬  
勞趙公罔極克誕趙公蓼莪孝思奉若先訓其貴如斯今日之  
祿先人之慈保寧幽宅天地無期

此是宰相崔圓之父贈大子少師元誤入宰相門今移於此

文苑英華卷第九百四十

登仕郎胡下柯鄉貢進士彭叔夏不字校正

